

五經異義疏證

五經異義疏證卷下

福州陳壽祺學

異義公羊說殷三千諸侯周千八百諸侯古春秋左氏傳說禹會諸侯於塗山執玉帛者萬國唐虞之地萬里客自里地萬國其侯伯七十里子男五十里餘爲天子開田謹案易曰萬國咸寧書曰協和萬邦從左氏說

鄭駁之云諸侯多少異世不同萬國者謂唐虞之制也武王伐紂三分有二千八百諸侯則殷末諸侯千八百也至周公制禮之後準王制千七百七十三國而言周千八百者舉其全數

禮記十一  
王制正義

蒙案公羊說殷三千諸侯者逸周書殷祝解湯放

桀而復薄三千諸侯大會是也又云周千八百諸

侯者

案續漢郡國志注引帝王世紀云春秋時尚有千二百國未知所出

卽王制注

所引孝經說曰周千八百諸侯布列五千里內正

義引尙書大傳洛誥傳云天下諸侯之來進受命

於周退見文武尸者千七百七十三諸侯漢書地

理志周爵五等而土三等蓋千八百國衛宏漢官

儀古者諸侯治民周以上千八百諸侯是也鄭注

尙書咎繇幕及禮記王制言唐虞萬國周千八百

國備矣今錄於左以資證發

尚書各繇幕邸成五服至于五千州十有二師孔氏正義引鄭元云輔五服而成之至於面方各五千里四面相距爲方萬里九州州立十二人爲諸侯師以佐牧堯初制五服服各五百里要服之內方四千里曰九州其外荒服四海此禹所受地記書曰崑崙山東南地方五千里名曰神州者禹邸五服之殘數亦每服者各五百里故有萬里之界萬國之封焉猶用要服之內爲九州州更方七千里七七四十九得方千里者四十九

案尚書正義方作五字誤今據

王制正義改

其一以爲圻內餘四十八州分而各有

六春秋傳曰禹朝羣臣於會稽執玉帛者萬國

萬世

美曰禹朝羣臣於會稽魯語文執玉帛者萬國左氏哀七年傳文云春秋傳者蓋揉合內外傳以成文也言執玉帛者則九州之內諸侯也其制特置牧

以諸侯賢者爲之師蓋百國一師州十有二師則

州千二百國也八州九千六百國其餘四百國

在圻內與

案與以古通

王制之法準之八州通率封公

侯百里之國者一伯七十里之國二子男五十里

之國四方百里者三封國七有畸

七下正義誤衍十字今从王制

正義引刪

至於圻內則子男而已

春秋左氏傳哀七年正義曰鄭元注尙書以爲唐

虞土方萬里九州之內地方七千里七七四十九  
爲方千里者四十九其一爲畿內餘四十八八州  
分之州各有千里之方六以千里之方二爲方百  
里之國二百又以千里之方二爲七十里之國四  
百又以千里之方二爲五十里之國八百總爲一  
千四百國去其方五十里之國二百是州別千二  
百國也案毛詩殷武正義引畧同末云以二百國  
爲名山大川不封之地餘有一千二百國  
禮記王制鄭注曰春秋傳云禹會諸侯於塗山執  
玉帛者萬國言執玉帛則是唯謂中國耳中國而  
言萬國則是諸侯之地有方百里有方七十里有

方五十里者禹承堯舜而然矣要服之內地方七千里乃能容之夏末旣衰夷狄內侵諸侯相并土地滅國數少殷湯承之更制中國方三千里之界亦分爲九州而建此千七百七十三國焉周公復唐虞之舊域分其五服爲九其要服之內亦方七千里而因殷諸侯之數廣其土增其爵耳孝經說曰周千八百諸侯布列五千里內此文改周之法制盛衰之中三七之間以爲說也終此說之意五五二十五方千里者二十五其一爲畿內餘二十四州各有方千里者二其餘諸侯之地大小則未

得而聞

異義今尙書歐陽夏侯說中國方五千里古尙書說五服方五千里相距萬里許慎謹案以今漢地考之自黑水至東海衡山之陽至於朔方經畧萬里從古尙書說

禮記十一王制正義正義云鄭不駁

蒙案尙書釋文至于五千馬云面五千里爲方萬里禮記王制正義引鄭尙書咎繇謨注禹禰成五服去王城五百里曰甸服其禰當侯服去王城千里其外五百里爲侯服當甸服去王城一千五百里其禰當男服去王城二千里又其外五百里爲



綏服當采服去王城二千五百里其弼當衛服去  
王城三千里又其外五百里爲要服與周要服相  
當去王城三千五百里四面相距爲七千里是九  
州之內也要服之弼當其夷服去王城當四千里  
又其外五百里曰荒服當鎮服其弼當蕃服去王  
城五千里四面相距爲方萬里也又鄭注周禮九  
畿云自王城以外五千里云云皆與許君引古尙  
書說合

〔又蒙案〕許君所言漢地黑水在益州東海在會稽  
非東海郡衡山在長沙湘南東南朔方屬并州漢

書地理志漢地東西九千三百二里南北萬三千三百六十八里續漢書郡國志益州郡在雒陽西五千六百里會稽郡在雒陽東三千八百里東西九千四百里也長沙郡在雒陽南三千八百里朔方郡志不言距雒陽里數據元和郡國志關內道夏州東南至東都一千八百五十里唐之夏州卽漢朔方地唐之東都卽漢雒陽地自長沙至朔方南北相距不及萬里止有五千六百五十里然則許君所云衡山之陽當包交州刺史部之南海等七郡言之矣

異義公羊說存二王之後所以通天三統之義禮郊特

牲云天子存二代之後猶尊賢也尊賢不過二代蒙案郊特

牲正義引無禮郊特牲以下二十二字但云引此文今依文義增古春秋左氏說周家

封夏殷二王之後以為上公封黃帝堯舜之後謂之三

恪許慎謹案云治魯詩丞相韋元成治易施曄說引外

傳曰三王之樂可得聞觀乎知王者所封三代而已而

案當作不與左氏說同

鄭駁之云所存二王之後者命使郊天以天子之禮祭

其始祖受命之王自行其正朔服色毛詩正義引此下有此之謂通天三

統七字恪者敬也敬其先聖而封其後與諸侯無殊異何

得比夏殷之後

禮記二十五郊特牲正義云如鄭此言公羊自據二王之後兼論三恪義不乖

異也○又毛詩振鷺正義引鄭駁至三統止又續漢百官志五注引

駁異義云三恪尊於諸侯卑於二王之後

毛詩陳譜正義

異義公羊說諸侯朝天子天子之郊皆有朝宿之邑從

泰山之下皆有湯沐之邑

蒙案公羊隱八年桓元年傳何休曰禮四井為邑邑方二

里東方二州四百二十國凡為邑廣四十里表四十二里取足舍止共稟穀而已

左氏說諸侯

有功德於王室京師有朝宿之邑泰山有湯沐之邑魯

周公之後鄭宣王母弟此皆有湯沐邑其餘則否許慎

謹案

穀梁集解此下有若今諸侯四字

京師之地皆有朝宿邑周千八

百諸侯京師地不能容之不合事理之宜

禮記十三王制正義云是

許慎不從公羊說鄭無駁當從許說又春秋  
左傳隱八年正義穀梁隱八年集解節引

孔廣林曰王制云方伯爲朝天子皆有湯沐之邑  
於天子之縣內視元士特云方伯知羣侯不得有  
矣觀禮云天子賜舍若皆有朝宿邑何必每朝更  
致鄭君注賜舍云致館不別爲之說是同許君義  
也

異義戴說刑不上大夫古周禮說士尸肆諸市大夫尸  
肆諸朝是大夫有刑謹案易曰鼎折足覆公餗其刑渥  
凶無刑不上大夫之事從周禮之說

鄭康成駁之云凡有爵者與王同族大夫以上適甸師

氏令人不見是以云刑不上大夫

禮記三曲禮上正義

蒙案晁氏古周易引京房說刑在煩爲劓荀爽作  
刑渥九家虞翻並作刑劓李氏集解九家虞翻劓  
仍作渥九家云渥者厚大言重也虞云渥大刑  
也經典釋文引鄭作刑劓音屋周禮醢人司烜氏  
毛詩韓奕諸疏義引鄭說以爲屋中刑之鄭注司  
烜氏邦若屋誅云屋讀如其刑劓之劓鄭治費氏  
易注禮所用則京易是諸家易說無不解爲刑罰  
也刑形劓渥皆古字通借

鄭駁異義云臬陶改臠爲劓吕刑有劓周改劓爲劓

公羊

義二十  
九年疏

蒙案鄭于周禮司刑注尙書大傳注皆云周改臙  
作剕者原始言之駁異義云周改剕爲剕則審矣  
今文尙書臙呂刑言剕周禮言剕臙者白虎通云  
脫其臙也剕說文作跽跽也跽斷足也是臙與剕  
異法

駁異義云獄者塉也囚證於角核之處周禮謂之圜土

毛詩行  
正義

夏侯歐陽說云墨罰疑赦其罰百率古以六兩爲率古  
尙書說百鍰鍰者率也一率十一銖二十五分銖之十

也百鏹爲三斤鄭元以爲古之率多作鏹

周禮秋官職金氏

萬世美曰術以斤法十六乘三得兩之數四十有八更以兩法二十有四乘四十八得銖之數一千一百五十二爲實以百鏹爲法除之實如法而一得全銖十有一不盡五二以分母二十五乘之得分子十三也

蒙案尙書釋文引馬云賈逵說俗儒以銖重六兩周官劍重九銖俗儒近是俗儒謂夏侯歐陽等也此卽指尙書大傳一鏹六兩及夏侯歐陽說古以六兩爲率之言也賈逵以尙書之鏹爲銖者說文



第十四金部曰銖十一銖二十五分銖之十三也从金𠂔聲周禮曰重三埒北方以二十兩爲三銖又曰銖銖也从金爰聲周書曰罰百銖是銖與銖義同也尙書釋文銖徐戶關反六兩也鄭及爾雅同然則賈鄭解古尙書皆用今尙書說以銖爲六兩矣釋文引爾疋乃小爾疋小爾疋曰二十四銖曰兩有半曰捷倍捷曰舉倍舉曰銖銖謂之銖此亦用六兩之說而以銖銖爲一亦本說文蓋合古今文家而一之也然說文自爲十一銖二十五分銖之十三之說不用今文家說異義當與說文同

又蒙案史記周本紀載甫刑其罰百率其罰五百率其罰千率此依今文尙書也集解引徐廣曰率音制索隱云率亦作選按漢書蕭望之傳曰甫刑之罰小過赦薄罪贖有金選之品選卽率也是今文尙書有作選者歐陽夏侯三家之不同也史記平準書索隱引尙書大傳死罪罰二千鐔路史後紀卷十三引大傳甫刑傳一鐔六兩鐔卽選也率選鐔皆聲近應劭注蕭望之傳選音刷鄭司農注考工記冶氏錡讀如刷是其聲同也

鄭駁異義云贖死罪千鍰鍰六兩大半兩爲四百一十

六斤十兩大半兩銅與今舊譌金今改正贖死罪金三斤爲價

相依附尙書舜典正義

萬世美曰大半兩者三分兩之二也鍰六兩大半兩卽說文所引周禮說北方以二十兩爲三鎰之說也

蒙案鄭注尙書大傳云死罪出金鐵三百七十五斤則以一鍰六兩計之又與駁異義不同鄭不从古尙書說从今尙書說而以鍰爲六兩大半兩又微異

異義今論語說鄭國之爲俗有溱洧之水男女聚會謠

歌相感故云鄭聲淫左氏說煩手淫聲謂之鄭聲者言煩手躑躅之聲使淫過矣謹案鄭詩三十一篇說婦人者十九故鄭聲淫也禮記三十七樂記正義云鄭駁無人者惟九篇異義云十九者誤也又曰今案鄭詩說婦無十字矣○又見初學記樂部上

**蒙案**公羊莊十七年傳何休解詁引放鄭聲徐疏曰案樂記鄭音好濫淫志宋音燕女溺志衛音趨數煩志齊音敖辟喬志此四者皆淫於色而害於德是以祭祀弗用也然則四國皆有淫聲蓋逐甚者言之故許氏云鄭詩三十一篇說婦人者十九此之謂也或何氏云鄭聲淫與服君同皆謂鄭重

其手而聲淫過非鄭國之鄭也據此疏是服虔解左氏傳與許義異

五經異義曰先王之樂所以節百事故有五節遲速本末中聲以降五降以後不容彈矣

初學記十五樂部○案此段當在前條左

氏說下

異義公羊說樂萬舞以鴻羽取其勁輕一舉千里詩毛說萬以翟羽韓詩說以夷狄大鳥羽謹案詩云右手秉翟爾雅說翟鳥名雉屬也知翟羽舞也

毛詩簡分正義

孔廣林曰詩毛傳云翟翟羽箋不易傳則鄭亦與許君義同

鄭元駁許慎五經異義曰春秋左傳無駭卒羽父請諡  
與族公問族於衆仲衆仲對曰天子建德因生以賜姓  
用之上而命之氏諸侯以字爲氏因以爲族官有世功  
則有官族邑亦如之公命以字爲展氏案見文公八年傳以此  
言之天子命氏諸侯命族族者氏之別名也姓者所以  
統繫百世使不別也氏者所以別子孫之所出故世本  
之篇言姓則在上言氏則在下也史記舜本紀集解

鄭駁異義云炎帝姓姜太皞之所賜也黃帝姓姬炎帝  
之所賜也故堯賜伯夷姓曰姜賜禹姓曰姁賜契姓曰  
子賜稷姓曰姬著在書傳

禮記三十四  
大傳正義

蒙案國語周語曰伯禹克厭帝心賜姓曰姒氏曰  
有夏祚四嶽國賜姓曰姜氏曰有呂毛詩商譜正  
義引中候握河紀云堯曰嗟朕無德欽奉丕圖賜  
爾二三子斯封稷契皋陶賜姓號注云賜姓號者  
契爲子稷爲姬皋陶未聞又契握說契云賜姓子  
氏以題朕躬注引孝經援神契曰堯知天命賜契  
子氏知有湯此皆鄭所謂著在書傳者鄭以皋陶  
之姓無聞案左氏文五年傳以蓼六爲皋陶後世  
本舒蓼偃姓皋陶之後見通志氏族畧則皋陶偃姓也萬世  
美曰按左傳杜注云羣舒皆偃姓則自英氏然毛  
蓼六而外若舒庸舒蓼舒鳩皆皋陶苗裔也

詩秦譜正義引中候苗興云皋陶之苗爲秦史記  
秦本紀云大費佐舜調馴鳥獸是爲栢翳舜賜姓  
嬴氏夏本紀云皋陶卒封皋陶之後于英六或在  
許陳杞世家云皋陶之後或封英六栢翳之後平  
王封之秦栢翳卽伯益曹大家注列女傳以伯益  
爲皋陶子若如中候所言則皋陶本偃姓至伯益  
又爲嬴姓也但史記陳杞世家又言垂益夔龍其  
後不知所封則以伯翳與益爲二人誤矣

異義公羊說譏二名謂二字作名若魏曼多也左氏說  
二名者楚公子棄疾弑其君卽位之後改爲熊居是爲



二名許慎謹案文武賢臣有散宜生蘇忿生則公羊之

說非也從左氏義

禮記三曲禮上正義

〔孔廣林曰〕案曲禮二名不偏諱鄭注引檀弓言在不稱徵言徵不稱在釋之不云二名非禮則亦從左氏義也

〔萬世美曰〕黃帝名軒轅堯名放勳舜名重華禹名文命皆二名也

〔蒙案〕天戴禮帝繫篇帝堯娶於散宜氏然則許以宜生爲二名非也鄧名世古今姓氏書辨證已辨姓書之誤然鄧書有散宜氏又有散氏古器有周

散季敦散氏或其後與

異義今禮戴尙書歐陽

案尙書正義云歐陽夏侯等

說云九族乃異

姓有屬者

毛詩疏作有親屬者

父族四五屬之內爲一族父女昆

弟適人者與其子爲一族已女昆弟適人者與其子爲

一族已之女子子適人者與其子爲一族母族三母之

父姓爲一族母之母姓爲一族母女昆弟適人者與其

子爲一族妻族二妻之父姓爲一族妻之母姓爲一族

古尙書說九族者從高祖至玄孫凡九皆同姓謹案禮

總麻三月以上服恩之所及禮爲妻父母有服明在九

族中九族不得但施於同姓

予之間也婦人歸宗女子雖適人字猶繫姓明不與父  
兄爲異族其子則然昏禮請期辭曰惟是三族之不虞  
欲及今三族未有不億度之事而迎婦也如此所云三  
族不當有異姓異姓其服皆總麻禮雜記下總麻之服  
不禁嫁女娶婦是爲異姓不在族中明矣周禮小宗伯  
掌三族之別名案名喪服小記說服毛詩正義作族之義曰親  
親以三爲五以五爲九以此言之知高祖至予孫昭然  
察矣左傳桓六年正義又毛詩葛藟正義小異又尚書堯典正義通典七十三嘉禮十八

蒙案白虎通言母族三與異義微不同其實一也  
白虎通曰族所以九者何九之爲言究也親疎恩

愛究竟謂之九族也父族四母族三妻族二父族  
四者謂父之姓爲一族也父女昆弟適人有子爲  
二族也身女昆弟適人有子爲三族也身女適人  
有子爲四族也母族三者母之父母爲一族也母  
之昆弟爲二族也母之女昆弟爲三族也母昆弟  
者男女皆在外親故合言之也妻族二者妻之父  
爲一族妻之母爲二族妻之親畧故父母各爲一  
族禮曰惟是三族之不虞尙書曰以親九族義同  
也欽孝廉方正程易疇喪服文足徵記曰此釋九  
族與喪服通一無二案喪服自斬衰三年上殺之

至於齊衰三月自齊衰期服下殺之至於緦麻又  
旁殺之亦至於緦麻非所謂父之姓爲一族乎喪  
服姑之子緦麻非所謂父女昆弟適人有子爲二  
族乎喪服甥緦麻非所謂身女昆弟適人有子爲  
四族乎喪服外孫緦麻非所謂身女子適人有子  
爲四族乎喪服爲外祖父母小功非所謂母之父  
母爲一族乎喪服舅與舅之子皆緦麻非所謂母  
之昆弟爲二族乎喪服從母小功從母之子緦麻  
非所謂母之女昆弟爲三族乎喪服妻之父母皆  
緦麻非所謂妻之父爲一族乎妻之母爲二族乎

然則族之言湊聚也者實乃生相恩愛死相哀痛  
先王因別其親疎貴賤之節而稱情立文爲之制  
喪服以飾羣焉使人觀於其外而有以見其心爲  
隆爲殺弗可損益烏乎非聖人其孰能與於斯

異義詩齊魯韓春秋公羊說聖人皆無父感天而生左  
氏說聖人皆有父謹按堯典以親九族卽堯母慶都感  
赤龍而生堯堯安得九族而親之禮譏云唐五廟知不  
感天而生

予之聞也諸言感生得無父有父則不感生此皆偏見  
之說也商頌曰天命予烏降而生商謂娥簡吞黿子生

契是聖人感生見於經之明文劉媪是漢太上皇之妻

感赤龍而生高祖是非有父感神而生者也

案也當作邪

且

夫蒲盧之氣嫗煦桑蟲成爲已子況乎天氣因人之精

就而神之反不使子賢聖乎是則然矣又何多怪

毛詩生民

正義

異義天子有爵不易孟京說易有君人五號帝天稱一

也王美稱二也天子爵號三也大君者興盛行異四也

大人者聖人德備五也是天子有爵古周禮說天子無

爵同號於天何爵之有謹案春秋左氏云施於夷狄稱

天子施於諸夏稱天王施於京師稱王知天子非爵稱

從古周禮義

鄭駁云案士冠禮云古者生無爵死無諡自周及漢天子有諡此有爵甚明云無爵失之矣

禮記曲禮下正義

〔蒙案〕易緯乾鑿度卷上孔子曰易有君人五號也帝者天稱也王者美行也天子者爵號也大君者與上行異也大人者聖明德備也變文以著名題德以別操鄭康成注云臨之九二有中和美異之行應於九五故百姓欲其與上爲大君也此異義孟京說所出興盛行異乾鑿度作與上行異下云大君者君人之盛者也異義易爲興盛義亦通也



白虎通爵篇鈎命訣曰天子爵稱也號篇曰帝王者何號也德合天地者稱帝仁義合者稱王別優劣也禮記諡法曰德象天地稱帝仁義所生稱王帝者天號也王者五行之稱案五行乃美行之誤皇者何謂也皇君也美也大也天人之總美大之稱也時質故總稱之也號之爲皇者煌煌人莫違也號言爲帝者何帝者諦也象可承也王者往也天下所歸往又曰或稱天子或稱帝王何以爲接上稱天子者明以爵事天也接下稱帝王者明位號天下至尊之稱以號令臣下也曲禮下曰君天下曰天子朝

諸侯分職授政任功曰予一人踐阼臨祭祀內事  
曰茲王某外事曰嗣王某臨諸侯畛於鬼神曰有  
天王某甫公羊成公七年秋七月天子使召公來  
錫公命傳其稱天子何元年春王正月正也其餘  
皆通矣何休解詁曰王者號也德合元者稱皇孔  
子曰皇象元道遙術無文字德明諡德合天者稱  
帝河洛受瑞可放仁義合者稱王符瑞應天下歸  
往天子者爵稱也聖人受命皆天所生故謂之天  
子此公羊說與易說同曲禮說則與左氏說爲近  
服虔解左氏依京師曰王同許君義服說見曲禮

下正義

異義今尙書夏侯歐陽說天子三公一曰司徒二曰司馬三曰司空九卿二十七大夫八十一元士凡百二十在天爲星辰在地爲山川古周禮說天子立三公曰太師太傅太保無官屬與王同職故曰坐而論道謂之三公又立三少以爲之副曰少師少傅少保是爲三孤冢宰司徒宗伯司馬司寇司空是爲六卿之屬大夫士庶人在官者凡萬二千謹案周公爲傅召公爲保太公爲師無爲司徒司空文知師保傅三公官名也五帝三王不同物此周之制也

北堂書鈔五十一

蒙案大戴禮保傅篇盧注今尙書說三公司馬司徒司空也古尙書及周禮與此文同盧氏此注當亦本異義

蒙案韓詩外傳卷八曰三公者何曰司空司馬司徒也司馬主天司空主土司徒主人周禮司徒序官疏引尙書傳云天子三公一曰司徒公二曰司馬公三曰司空公論衡卷十五順致篇引尙書大傳曰郊社不修山川不祝風雨不時霖雪不降責於天公臣多弑主嬖多殺宗五品不訓責於人公城郭不繕溝池不修水泉不隆水爲民害責於地

公太平御覽職官部引尙書大傳曰百姓不親五  
品不訓則責之司徒蠻夷猾夏寇賊奸宄則責之  
司馬溝瀆壅遏水爲民害田廣不墾則責之司空  
然則天公卽司馬公人公卽司徒公地公卽司空  
公韓詩說與書傳合以序言之書傳一曰司徒公  
當作司馬公二曰司馬公當作司徒公大戴禮保  
傅篇盧注引今尙書說三司馬司徒司空也以  
司馬在司徒先可證續漢百官志注引漢官儀曰  
王莽時議以漢無司徒官故定三公之號曰大司  
馬大司徒大司空世祖卽位因而不改此則漢立

三公益取今尚書及韓詩說亦以大司馬先大司徒也周禮鄉老二鄉則公一人鄭注王置六鄉則公有三人也三公者內與王論道中參六官之事外與六鄉之教鄭志趙商問按成王周官立太師太傅太保茲惟三公地官序官疏引鄭書傳注云周禮天子六卿與太宰司徒同職者則謂之司徒公與宗伯司馬同職者則謂之司馬公與司寇司空同職者則謂之司空公一公兼二卿舉下以爲稱禮記月令正義曰書傳三公領三卿此夏制也考工記序官疏又引鄭夏傳注云坐而論道謂之

三公通職名無正官名是書傳三公乃夏制故與  
周禮異鄭注周禮保氏引書序曰周公爲師召公  
爲保相成王爲左右聖賢兼此官也是用今尙書  
說注考工記王公則以爲天子諸侯不作三公解  
五經異義春秋公羊穀梁說王使榮叔錫魯桓命追錫  
死者非禮也死者功可追而錫如有罪又可追而刑耶  
春秋左氏譏其錫篡弑之君無譏錫死者之文也

通典七十

二嘉禮

十七

鄭駁異義引王制云三公一命袞若有功則加賜袞衣  
之謂與二曰衣服是也

毛詩旱麓正義○蒙案二曰衣服本禮緯含文嘉文九錫之一

也見曲禮

上正義

〔孔廣林曰〕諸侯卽位而卽錫命禮也故詩韓奕云  
韓侯入覲以其介圭入覲于王王錫韓侯其生有  
勲力於王室者死更追錫之若後世哀策在古則  
高圉亞圉死爲追命矣於禮無乖當從左氏

〔蒙案〕白虎通爵篇大夫功成未封而死不得追爵  
賜之者以其未當股肱也春秋穀梁傳曰追賜死  
者非禮也今穀梁無此文據異義所引則穀梁說  
也

許慎說九賜九命鄭康成以爲不同

禮記曲禮  
上正義



禮記正義曰周禮九儀一命受職再命受服三命受位四命受器五命賜則六命賜官七命賜國八命作牧九命作伯案含文嘉九錫一曰車馬二曰衣服三曰樂則四曰朱戶五曰納陛六曰虎賁七曰斧鉞八曰弓矢九曰秬鬯鄭司農以周禮九命與九賜是一也康成以九命與九賜不同九賜謂八命作牧九命作伯之後始加九賜知者王制云三公一命衮若有加則賜二曰衣服之屬是也又宗伯八命作牧注云侯伯有功德加命得專征伐王制云賜弓矢然後征詩云瑟彼玉瓚黃流在中傳

曰九命然後賜以圭瓚又尚書文侯仇受弓矢柅  
鬯左傳晉文公受大路戎路弓矢柅鬯虎賁此皆  
九命之外始有衣服弓矢柅鬯等之賜故知九賜  
不與九命同也且此云三賜不及車馬其九賜一  
曰車馬何由三賜不及車馬乎故知此三賜非九  
賜之三賜也故康成以爲諸侯及卿大夫之子三  
命者其公羊說九賜之次與舍文嘉不同一曰加  
服二曰朱戶三曰納陛四曰輿馬五曰樂則六曰  
虎賁七曰斧鉞八曰弓矢九曰柅鬯異人之說故  
文有參差大畧同也異義許慎說九賜九命鄭康

成以爲不同具如前說

〔蒙案〕九賜九命異同今異義許鄭說皆闕正義云具如前說故卽錄正義補之

〔蒙案〕公羊穀梁傳莊元年注皆引禮有九錫卽禮緯合文嘉文皆作七曰弓矢八曰鈇鉞徐疏引禮緯注楊疏引舊說及文選潘勗冊魏公九錫文其序亦然惟白虎通引禮說作七曰鈇鉞八曰弓矢曲禮正義引合文嘉及宋均注漢書武紀應劭注同鈇鉞又作斧鉞正義所引公羊說與何休解詁不同以許氏異義考之蓋公羊先師說與韓詩外

傳卷八引傳曰諸侯之有德天子錫之一錫車馬  
再錫衣服三錫虎賁四錫樂器五錫納陛六錫朱  
戶七錫弓矢八錫鈇鉞九錫秬鬯其次又異穀梁  
疏引舊說九錫輿馬大輅戎輅各一𠂔馬二也衣  
服謂𠂔衮也潘勗又云赤舄副焉樂則謂軒懸之  
樂也潘勗又云六佾之舞朱戶謂所居之室朱其  
戶也納陛謂從中階而升也虎賁謂三百人也弓  
矢彤旅之弓矢也潘勗云彤弓一彤矢百旅弓十  
旅矢千鈇鉞謂大柯斧賜之專殺也秬鬯謂賜秬  
鬯之酒盛以圭瓚之中以祭祀也潘勗云秬鬯一

臣主瓚副焉何休引九錫之文卽云禮百里不過九命七十里不過七命五十里不過五命是以九錫卽九命也曲禮正義言許慎說九賜九命鄭康成以爲不同是許從先鄭說後鄭不從

異義天子駕數易孟京春秋公羊說天子駕六毛詩說天子至大夫同駕四士駕二詩云四騮彭彭武王所乘龍旂承祀六轡耳耳魯僖所乘四牡駢駢周道倭遲大夫所乘謹案禮王度記曰天子駕六諸侯與卿同駕四大夫駕三十駕二庶人駕一說與易春秋同

卒之聞也周禮校人掌王馬之政凡頒良馬而養乘之

乘馬一師四圉四馬為乘此一圉者養一馬而一師監

之也尚書顧命諸侯入應門皆布乘黃朱

案尚書顧命正義曰伏生

以此篇合於顧命共為一篇馬鄭王本此篇自高祖寡命已上內於顧命之篇王若曰以下始為康王之誥駁異義引諸侯人應門云云今在康王之誥中而鄭稱為顧命此其證也言獻四黃馬朱鬣

也既實周天子駕六校人則何不以馬與圉以六為數

顧命諸侯何以不獻六馬王度記曰大夫駕三經傳無

此言是自古無駕三之制也

毛詩干旄正義○又尚書五子之歌正義禮記卷七

檀弓上正義儀禮既夕疏續漢與服志注通典嘉禮九

異義古毛詩說云天子至大夫同駕四皆有四方之事

士駕二也詩云四騤彭彭武王所乘龍旂承祀六轡耳

耳魯僖所乘四牡駢駢周道倭遲大夫所乘

公羊傳隱元年疏

異義公羊說引易經云時乘六龍以馭天下

案今易無下字以易

韻考之此為衍字

也知天子駕六謹案亦從公羊說即引王度

記云天子駕六龍

案龍字衍

諸侯與卿駕四大夫駕三以合

之

鄭駁云易經時乘六龍者謂陰陽六爻上下耳豈故為

禮制王度記云今天子駕六者自是漢法與古異大夫

駕三者於經無以言之

同上

許慎曰詩云八鸞鎗鎗則一馬二鸞也又曰輶車鸞鑣

知非衡也

續漢典服志注不言出異義今以文義定之

鸞和所在異義載禮戴詩毛氏二說謹案云經無明文

且殷周或異故鄭亦不駁

毛詩駟鐵正義

蒙案鸞和皆以金爲鈴

見周禮大駟注于寶同

大戴禮保傳

篇在衡爲鸞在軾爲和馬動而鸞鳴鸞鳴而和應

毛詩蓼蕭傳曰在軾曰和在鑣曰鸞此異義所載

禮戴詩毛氏二說也續漢輿服志注載白虎通引

魯訓曰和設軾者也鸞設衡者也禮記經解注引

韓詩內傳曰鸞在衡和在軾前鄭注周禮大駟及

玉藻經解皆同此說毛詩秦風駟鐵輶車鸞鑣箋

云置鸞於鑣異於乘車周禮疏謂鄭以田車鸞在



鑣乘車鑣在衡是也然蓼蕭之和鸞離離亦乘車也毛傳云在鑣曰鸞箋不易之者正義謂以駟鐵已明之此從可知也商頌烈祖之八鸞鸛鸛亦乘車也箋又云鸞在鑣四馬則八鸞正義謂以經無正文且殷周或異也今攷車制軾者車前橫木也

見漢書李廣傳注引服虔

高三尺三寸圍七寸三分寸之一

見考

工記

衡者轅前橫木縛軛者也

見莊子馬蹄釋文

衡長六

尺六寸

見考工記疏

圍一尺五分寸之一

見考工記注

衡下

有兩軛以叉馬頸

見左傳襄十四年正義引服虔

左氏傳桓二年

正義曰案考工記輪崇車廣衡長參如一則衡之

所容惟兩服馬耳

案此見考工記輿人注賈疏云以駟馬別有轡隔引車故衡唯

容服也

詩辭每言八鸞當謂馬有二鸞鸞若在衡衡

唯兩馬安得置八鸞乎以此知鸞必在鑣正義此

辨甚明說文第十四上金部鑾解云人君乘車四

馬轡八鑾鈴象鸞鳥之聲和則敬也異義亦引詩

八鸞以證一馬二鸞引詩鸞鑣以證非衡然尙存

兩疑於說文則定爲鸞在鑣矣若和之所設諸家

皆云在軾惟韓詩云在軾前軾前則近衡矣服虔

杜預解左氏傳錫鸞和鈴以爲鸞在鑣和在衡服虔

說見史記禮書集解

正義謂鸞旣在鑣則和當在衡此兼用

韓毛之說也鑣者爾疋釋器云鑣謂之鑣郭注馬  
勒旁鐵說文鑣馬銜也幘馬纏鑣扇汗也釋名鑣  
苞也所以在旁苞斂其口也衛風碩人毛傳曰人  
君以朱纏鑣扇汗且以爲飾是鑣與扇汗爲二釋  
文一之誤續漢書輿服志乘輿象鑣用象牙赤扇  
汗王公列侯朱鑣絳扇汗卿以下有駢者緹扇汗  
鑣之飾可見者如此

異義謹案周禮說五玉摯白公卿以下執禽尊卑有差  
也禮不下庶人工商又無朝儀五經無說庶人工商有

摯

御覽五百  
三十九

象笄局禮大宗伯以禽作六摯以等諸臣孤執皮  
帛卿執羔大夫執雁士執雉庶人執鵠工商執雞  
鄭注摯之言至所執以自致皮帛者束帛而表以  
皮爲之飾羔取其羣而不失其類雁取其候時而  
行雉取其守介而死不失其節鵠取其不飛遷雞  
取其守時而動曲禮曰飾羔雁者以績自雉以下  
執之無飾天子之孤飾摯以虎皮公之孤飾摯以  
豹皮左氏莊二十四年傳男摯大者玉帛小者禽  
鳥何休公羊解詁曰凡贄天子用鬯諸侯用玉卿  
用羔大夫用雁士用雉

案此據曲禮

雉取其耿介雁取

其在人上有先後行列羔取其執之不鳴殺之不  
號乳必跪而受之類死義知禮者也玉取其至清  
而不自蔽其惡潔白而不受汚內堅剛而外溫潤  
有似乎備德之君子鬯取其芬芳在上臭達於天  
而醇粹無擇有似乎聖人故視其所執而知其所  
任矣白虎通文質篇曰臣見君有贊何贊者質也  
質已之誠致已之惓惓也王者緣臣子之心以爲  
之制差其尊卑以副其意也公侯以玉爲贊者玉  
取其燥不輕溼不重明公侯之德全也卿以羔爲  
贊羔者取其羣而不黨卿職在盡忠率下不阿黨

也大夫以雁爲贄者取其飛成行止成列也大夫  
職在以奉命之適四方動作皆能自正以事君也  
士以雉爲贄者取其不可誘之以食懾之以威必  
死不可生畜士行威

御覽引威作  
耿當從之

介守節死義不

當移轉也曲禮曰卿羔大夫以雁士以雉爲摯庶  
人之摯匹童子委摯而退野外軍中無摯以纓拾

矢可也言必有摯也匹謂鶩也

案鄭注曲禮曰說  
者以匹爲鶩本此

卿大夫摯古以麋鹿今以羔雁何以爲古者質取  
其內謂得美草鳴相呼今文取其外謂羔跪乳雁  
有行列也禮士相見經曰上大夫相見以羔左頭

如麇執之明古以麇鹿今以羔也卿大夫贊變君與士摯不變何人君至尊極美之物以爲贊士賤伏節死義一介之道也故不變私相見亦有贊何所以相尊敬長和睦也朋友之際五常之道有通財之義振窮救急之意中心好之欲飲食之故財幣者所以副至意也禮士相見經曰下大夫相見以雁士冬以雉夏以牼也鄭何二注並據白虎通爲說然周禮言六摯下及庶人工商儀禮士相見禮言庶人見於君曲禮亦言庶人之摯周禮小司寇詢萬民之位百姓北面則庶人工商有朝儀有

摯明矣異義援周禮說但云五摯又云五經無說  
庶人工商有摯何也疑太平御覽所引文有脫誤  
五摯者尙書說也堯典曰五玉三帛二生一死摯  
如五器公羊隱八年疏引鄭氏尙書注云如者以  
物相授與之言授摯之器有五卿大夫上士中士  
下士也器各異飾周禮改之飾羔雁飾雉執之而  
已是也鄭注周禮云自雉以下執之無飾此云飾  
雉蓋公羊疏誤衍一飾字

鄭駁異義云玉雜則色雜

周禮王人疏

天子笏曰琕琕直無所屈也

隋書禮儀志注



孔廣林曰鄭君注玉藻天子搢珽云此亦笏也謂之珽珽之言珽然無所屈也或謂之大圭長三尺杼上終葵首終葵首者於杼上又廣其首方如椎是謂無所屈相玉書曰珽玉六寸明白炤是與異義此說同也

五經異義曰韍者大帶之飾非鞞也

御覽六百九十一服章部韍

駁異義云韍草名齊魯之間言韍韍聲如茅蒐字當作

韍陳留人謂之蒨

毛詩瞻彼洛矣正義

駁異義云有韍韍無鞞有鞞無韍韍

同上

蒙案韍韍者毛詩瞻彼洛矣韍韍有奭傳韍韍者

茅蒐染草也一入曰𦰩

今本無入字正義曰𦰩所定本云一入曰𦰩𦰩𦰩

以代鞮也鄭箋𦰩𦰩者茅蒐染也茅蒐𦰩𦰩聲也  
𦰩𦰩祭服之鞮合韋爲之其服爵弁服緇衣纁裳  
也案傳𦰩𦰩者𦰩字衍草當爲韋一入曰𦰩當斷  
句箋𦰩𦰩者𦰩𦰩聲也兩𦰩字衍𦰩𦰩祭服之鞮  
𦰩字衍近金壇段大令玉裁儀禮漢讀考始正其  
譌攷說文弟五下韋篇𦰩茅蒐染韋也一入曰𦰩  
从韋末聲國語晉語韋昭注曰三君云一染曰𦰩  
鄭後司農說以爲𦰩茅蒐染也𦰩聲也

案𦰩聲也上當有茅

蒐二 昭謂茅蒐今絳草也急疾呼之成𦰩也左氏

傳成十六年正義引賈逵云一染曰韎又引鄭元  
詩注云韎茅蒐染也韎聲也此可證今詩傳箋之  
誤儀禮士冠禮曰爵弁服纁裳純衣緇帶韎韐鄭  
注此與君祭之服韎韐緇韐也士緇韐而幽衡合  
韐爲之士染以茅蒐因以名焉今齊人名蒨爲韎  
韐 四庫本儀禮集釋戴吉士震校云疏云周公  
時名蒨草爲韎以此韎染韐合之爲韐因名韐爲  
韎韐是蒨一名韎不名韎韐也韐字乃衍文然則  
駁異義言韎聲如茅蒐或衍韐字者亦誤也爾雅  
釋器一染謂之緇許君說文謂韎即緇以色言之

異義亦當云爾鄭謂韍即茅蒐以聲言之此其異也陸機毛詩草木疏曰齊人謂之茜徐州人謂之牛蔓茜即茜字也韍者釋名云蔽膝也北堂書鈔引雷氏五經要義云裳前之蔽也玉藻韍君朱大夫素士爵韋鄭注韍下廣二尺上廣一尺長三尺其頸五寸肩革帶博二寸韍者明堂位注韍冕服之韍也亦作芾毛詩侯人傳芾韍也亦作紱易乾鑿度曰易天子三公諸侯紱服皆同色天子三公九卿朱韍諸侯赤紱士冠禮注韍之制如韍賈疏韍韍但有飾無飾爲異耳祭服謂之韍其他服謂

之韠明堂位有虞氏服韍夏后氏山殷火周龍章  
鄭云後王彌飾天子備焉諸侯火而下卿大夫山  
士韠韋而已是士無飾則不得單名韍一名韠韠  
一名緼韍而已

案緼赤黃間色

染韋爲韍之體天子與其

臣純朱諸侯與其臣黃朱爲異毛詩瞻彼洛矣正  
義云大夫以上祭服謂之韍士朝服謂之韠祭服  
謂之韠韠士冠禮爵弁服韠韠不言韍是也此鄭  
駁異義所謂有韠韠無韠有韠無韠韠也瞻彼洛  
矣詩以諸侯衣韠韠者白虎通爵篇曰世子上

案上

當作

受爵衣士服何譙不敢自專也是也許君異

義說鞞鞞鞞鞞之名今闕不詳然說文章篇云鞞

鞞也所以蔽前以韋

案韋下當有爲之二字

下廣一尺上廣

一寸其頸五寸一命縕鞞再命赤鞞从韋畢聲弟

七下市鞞也上古衣蔽前而已市以象之天子朱

市諸侯赤市大夫葱衡從巾象其連帶之形鞞篆

文市从韋從友𡗗士無市有𡗗制如楹缺四角爵

弁服其色韎不得與裳同司農曰

案司農謂先鄭

裳纁色

從市合聲𡗗𡗗或從韋說文據禮言鞞鞞鞞鞞之

制甚備以鞞𡗗市互訓又言士有𡗗無市是亦後

鄭有鞞無韎𡗗有韎𡗗無鞞之義也太平御覽又

引異義曰韞者大帶之飾非鞞也疑非叔重之言  
或異義中引他家說廣雅釋器紱紱也後漢書杜  
喬傳注引倉頡篇文選秋興賦注引字林並同訓  
紱之字當从糸旁友作或與鞞紱見莊子逍遙游釋文紱鞞  
諸字通借鄭易困朱紱方來作鞞見士冠禮疏易緯乾鑿度又作紱詩三百赤紱漢書東  
平王倉傳注引作紱王莽傳鞞如相國謂組也故漢人有解  
鞞爲大帶之飾者廣韻十三末韞注韞鞞大帶此  
必舊說相傳之存焉者矣

異義卿得世不公牟穀梁說卿大夫世則權弁一姓妨  
塞賢路事案當作專寫誤政犯君故經譏周尹氏齊崔氏也案

公羊昭三十一年傳  
大夫之義不得世

左氏說卿大夫得世祿不得世位

父為大夫死子得食其故采而有賢才則復升父故位

故傳曰官有世功則有官族謹案易爻位三為三公二

為卿大夫曰食舊德

案曰上當脫訟六三三字

食舊德謂食父故祿

也尚書古我先王暨乃祖乃父胥及逸勤予不敢動用

非罰世選爾勞予不絕爾善論語曰興滅國繼絕世國

謂諸侯世謂卿大夫詩云凡周之士不顯亦世

蒙案魏書百八

十四禮志引亦作爽

孟子曰文王之治岐也仕者世祿知周制世

祿也

毛詩文王正義又禮記王制正義節引云從左氏義鄭氏無駁與許同又魏書一百八十四禮志玉

海卷五十並節引



蒙案公羊隱三年尹氏卒傳曰譏世卿世卿非禮也昭三十一年傳曰大夫之義不得世穀梁說當暑蒙案易緯乾鑿度初爲元士二爲大夫三爲三公四爲諸侯五爲天子上爲宗廟異義本此

鄭駁異義引尙書世選爾勞又引詩刺幽王絕功臣之

世左傳宣十年正義

蒙案毛詩小雅裳裳者華序曰古之仕者世祿鄭引詩刺幽王絕功臣之世謂此詩也

孔廣林曰詩不顯亦世箋云其臣有光明之德者亦得世世在位箴膏肓云公卿之世立大功德先

王之命有所不絕者是鄭以世祿其常有功亦得  
世位與許微異王制正義云鄭不駁指世祿言左  
傳止義又引駁義云云則據世位也

異義公羊說諸侯不純臣左氏說諸侯者天子藩衛純  
臣謹案禮王者所不純臣者謂彼人爲臣皆非已德所  
及易曰利建侯侯者王所親建純臣也

卒之間也賓者敵主人之稱而禮諸侯見天子稱之曰

賓不純臣諸侯之明文矣

毛詩臣  
王正義

蒙案白虎通曰王者不純臣諸侯何尊重之以其  
列土傳子孫世世稱君南面而治朝則迎之於著

三  
綱  
集  
說  
正  
言  
卷  
一  
三  
觀則待之於阼階升降自西階爲庭燎設九賓享  
禮而後歸是異於衆臣也以異義證之則白虎通  
用公羊說也

異義公羊說云質家立世子弟文家立世子子而春秋  
從質故得立其弟

公羊傳成  
十五年疏

蒙案公羊隱元年何休解詁曰禮適夫人無子立  
右媵右媵無子立左媵左媵無子立嫡姪娣嫡姪  
娣無子立右媵姪娣右媵姪娣無子立左媵姪娣  
質家親親先立娣文家尊尊先立姪嫡子有孫而  
死質家親親先立弟文家尊尊先立孫其雙生也

質家據見立先生文家據本意立後生皆所以防  
愛爭檀弓公儀仲子舍其孫而立其子子游問孔  
子子曰立孫然則周禮爲正鄭君注王制於爵等  
用公羊說云春秋變周之文從殷之質其駁異義  
蓋亦從公羊說

五經異義曰未踰年之君立廟不春秋公羊說云未踰  
年君有子則書葬立廟無子則不書葬

案見莊三十二年傳恩無

所錄也左氏說云臣之奉君悉心盡恩不得緣君父有

子則爲立廟無子則廢也或議曰

案此下許君案禮云有闕文

臣不殤君子不殤父君無子而不爲立廟是背義棄禮

罪之大者也

鄭子駿云未踰年君者魯子般子惡是也皆不稱公書卒弗諡不成於君也廟者當序於昭穆不成於君則何廟之立凡無廟者爲壇祭之近漢諸幼少之帝尙皆不廟祭而祭於陵云罪之重者此何故不罪殤者十九向下未踰年之君未必未冠引殤欲以何明也

通典九十三  
凶禮十五

**蒙案**公羊傳莊三十二年曰未踰年之君有子則廟廟則書葬無子不廟不廟則不書葬異義引公羊說卽此而無子下無不廟之文寫脫耳何休曰未踰年之君禮臣下無服故無子不廟不廟則不

書葬是一年不二君也疏曰案喪服不杖期章有爲君之長子況爲嗣君而言無服者未踰年之君臣下皆爲前君服斬寧得更爲之服乎若還服期卽是廢重服輕若爲斬衰三年卽違一年不二君之義故也

又蒙案蔡邕獨斷云殤冲質三少帝皆以未踰年而崩不列於宗廟四時就陵上祭寢而已續漢書祭祀志亦云然通典引蔡邕云見孝殤孝冲孝質皇帝以幼弱在位未踰年不列於廟太尉司徒分視三陵皆宗廟典制也

五經異義云諸侯未踰年出朝會與不出會何稱春秋

公羊說云諸侯未踰年不出境在國中稱子以王事出

亦稱子非王事而出會同安父位不稱子鄭伯伐許案

四年時鄭襄公已薨未踰年以本爵譏不子也左氏說諸侯未踰

年在國內稱子案傳九年傳凡在喪王曰小童公侯曰子以王事出則稱爵

誦於王事不敢伸其私恩鄭伯伐許是也春秋不得以

家事辭王事諸侯蕃衛之臣雖未踰年以王事稱爵是

也案春秋不得以家事辭王事上當脫謹案二字

鄭卒駁云昔武王卒父業既除喪出至孟津之上猶稱

太子者是爲孝也今未除喪而出稱爵是與武王義反

矣春秋僖九年春三月丁丑宋公御說卒夏公會宰周公齊侯宋子衛侯鄭伯許男曹伯于葵丘宋子卽未踰年君也未字舊脫今補出與天子大夫會是非王事而稱子耶通典九十三凶禮十五

〔蒙案〕禮記四十雜記上曰君薨太子號稱子待猶君也鄭注謂未踰年也雖稱子與諸侯朝會待如君矣春秋魯僖公九年夏葵丘之會宋襄公稱子而與諸侯序正義曰鄭用左氏之義未葬已前則稱子既葬以後踰年則稱公

鄭駁異義從公羊義以鄭伯伐許爲非禮及公羊未踰



年爲王事皆稱子卽宋襄公稱子

案僖九年

陳共公稱子

案僖

二十八年

是也左氏未踰年爲王事皆稱爵鄭駁異義引宋

襄公稱子從公羊說以爲稱子禮也

禮記卷五曲禮下正義○案此段是

正義約鄭駁語

蒙案公羊閔二年傳何休解詁曰禮禘祫從先君

數朝聘從今君數禮記曲禮下正義曰公羊凡以

王事出會未踰年皆稱子僖九年會于葵丘宋襄

公稱子

案宋桓公未葬

僖二十八年會于踐土

案當作會于溫正義

謂

陳共公稱子

案時陳穆公未葬

定四年會召陵陳懷公

稱子

案時陳惠公未葬

若未踰年非王事稱爵皆譏耳成

四年鄭伯伐許是也左氏之義凡在喪王曰小童

公侯曰子宋襄公陳共公稱子是也其王事出會

則稱爵鄭伯伐許是也案桓十三年經書衛惠公

稱侯

案時衛宣公未葬

成十三年經書宋公衛侯

案當作成三年

正義誤衍十字

時宋文公衛穆公未葬此竝先君未葬而

稱爵者賈服注譏其不稱子僖二十五年會衛子

莒慶盟於洮時先君已葬

案謂衛文公

衛成公猶稱子

服虔云明不失子道成十年晉侯伐鄭時厲公父

景公疾未薨而厲公出會稱爵譏其生代父位不

子也公羊以成四年鄭伯伐許非王事未踰年而

稱爵譏之也左氏則以鄭伯伐許爲王事雖未踰

年得稱爵

案時鄭襄公已  
葬但未踰年

與公羊異

異義未踰年之君繫父不公羊說云未踰年之君皆繫  
於父晉里克殺其君之子奚齊是也左氏說未踰年之  
君未葬繫於父殺奚齊于次時父未葬雖未踰年稱子  
成爲君不繫於父齊公子商人殺其君舍父已葬謹案  
禮制君喪未葬已葬儀各有差嗣君號稱亦宜有差左  
氏說是也

通典九十三  
凶禮十五

蒙案禮記曲禮下正義曰凡諸侯在喪之稱公羊  
未葬稱子某者莊三十二年子般卒襄三十一年

子野卒是也既葬稱子則文十八年子惡卒經書  
子卒是也踰年稱君者則僖十年里克弑其君卓  
子及文元年公卽位是也謂臣子稱君也若其君  
自稱猶曰子故公羊傳文九年諸侯於其封內三  
年稱子是也案昭十一年楚滅蔡執世子有其時  
蔡君已死其子仍稱世子者何休云不許楚之滅  
蔡也猶若君存然故猶稱世子文十四年九月齊  
商人弑其君舍舍爲君商人之弑也案當云舍未  
踰年成爲君  
惡商人  
之詐也襄二十九年吳子使季札來聘先君未踰  
年吳稱子者賢季子故錄之桓十一年鄭忽出奔

衛先君既葬而尚稱名者公羊云伯子男一也辭

無所貶

案白虎通爵篇曰春秋名鄭忽忽者鄭伯也此未踰年之君當稱子嫌爲改伯從子

故名何休云直以喪降稱名無餘罪致貶左氏之

義君薨未葬未行卽位之禮前稱子某子般子野

是也燕雖未踰年則稱君晉里克弑其君卓子齊

商人弑其君舍是也子惡卒先君葬後稱子杜預

云時史畏襄仲不敢稱君故云子也公羊以奚齊

僖九年死卓子十年死以卓子踰年故稱君左氏

卓子亦九年死但赴告在十年以葬後故稱君二

傳不同也蒙案鄭君注坊記云春秋傳曰諸侯于

其封內三年稱子至其臣子踰年則謂之君矣是鄭從公羊說也

蒙案百虎通爵篇曰父在稱世子何繫於君也父沒稱子某者何屈於尸柩也既葬稱子者卽尊之漸也踰年稱公者

案此文九年公羊傳說

緣民臣之心不可

一日無君緣終始之義一年不可有二君故踰年卽位所以繫民臣之心也三年然後受爵者緣孝子之思未忍安吉也故春秋魯僖公三十三年十二月乙巳公薨于小寢文公元年春王正月公卽位四月丁巳葬我君僖公韓詩內傳曰諸侯世子

三年喪畢上受爵命於天子

案曲禮正義引白虎通此下有乃歸卽位

四明爵者天子之所有臣無自爵之義童子當受

爵命者使大夫就其國命之明王者不與童子爲

禮也此皆據公羊傳莊三十二年文九年爲說也

白虎通又曰天子大歛之後稱王者明臣民不可

一日無君也故尙書曰王麻冕黼裳此大歛之後

也何以知不從死後加王也以上言迎子釗不言

迎王也王者旣殯而卽繼體之位何緣臣民之心

不可一日無君故先君不可見則後君繼體矣故

尙書曰王再拜興對乃受銅瑁明爲繼體君也緣

終始之義一年不可有二君也故尙書曰王釋冕  
反喪服吉冕受銅稱王以接諸侯明已繼體爲君  
也釋冕藏銅反喪服明未稱王以統事也不可曠  
年無君故踰年乃卽位改元元以名年年以紀事  
君名其事矣而未發號令也何以言卽位改元也  
春秋傳曰以諸侯踰年卽位亦知天子踰年卽位  
也案公羊文九年傳文春秋曰元年春王正月公卽位改元  
位也王者改元卽事天地諸侯改元卽事社稷王  
制曰夫喪三年不祭唯祭天地社稷爲越紼而行  
事春秋傳曰天子三年然後稱王者案公羊文九年傳曰以天



子三年然後稱王亦知諸侯于其封內猶三年稱子也 謂稱王統事發號令

也尙書曰高宗諒闇三年是也故天子諸侯凡三年卽位終始之義乃備

五經異義妾母之子爲君得尊其母爲夫人不春秋公羊說妾子立爲君母得稱夫人故上堂稱妾屈於嫡下

堂稱夫人尊行國家則士庶起爲人君母亦不得稱夫

人孔廣林云十四字當在子不父母者子之天也子不

得爵命父母下文錯在此

得爵命父母至於妾子爲君爵其母者以妾本接事尊者有所因也穀梁說魯僖公立妾母成風爲夫人入宗廟是子而爵母也以妾爲妻非禮也古春秋左氏說成

風得立為夫人母以子貴禮也謹案尚書舜為天子瞽

瞍為士明起於匹庶者子不得爵父母也至於魯僖公

本妾子尊母成風為小君經無譏文公羊左氏義是也

駁曰禮喪服父為長子三年以將傳重故也眾子則為

之周

案通典凡期皆改為周避今宗嫌名

明無二適也女君卒貴妾繼室

攝其事耳不得復立為夫人魯僖公妾母為夫人者乃

緣莊公夫人哀姜有殺子般閔公之罪應貶故也

案左傳襄

二年正義云鄭今以為正夫人有罪廢妾母得成為夫人也即據此

近漢吕后殺戚夫人

及庶子趙王不仁廢不得配食文帝更尊其母薄后非

其比耶妾子立者得尊其母禮未之有也

通典七十二嘉禮十七〇

又禮記服問正義引至不得復立  
爲夫人止又左傳襄四正義節引

蒙案春秋僖公八年秋七月禘于太廟用致夫人  
左氏以爲哀姜公羊以爲脅于齊媵女之先至者  
譏以妾爲妻也何休曰僖公本聘楚女爲嫡齊女  
爲媵齊先致其女脅僖公使用爲嫡穀梁以爲言  
夫人而不以氏姓非夫人也一則以宗廟臨之而  
後貶焉一則以外之弗夫人而見正焉立妾之辭  
也非正也劉向曰夫人成風也致之于太廟立之  
以爲夫人案經例生薨稱夫人薨稱小君哀姜之  
薨久矣不得仍其生稱楚女齊媵之說疏引春秋

說漢書五行志引董仲舒皆云然而經無其文則左氏公羊皆非穀梁得之春秋文公四年夫人風氏薨五年葬我小君成風王使召伯來會葬左氏傳曰禮也公羊隱元年傳曰母以子貴何休曰禮妾子立則母得爲夫人夫人成風是也惟穀梁謂經書夫人風氏者君夫人之夫人卒葬之我不可以不夫人之不卒葬之也秦人來歸僖公成風之襚者秦人弗夫人之也其義嚴矣左氏公羊言母以子貴于禮無徵也又案魯以妾母爲夫人者左氏成風外有桓之母仲子宣之母敬嬴昭之母齊

歸皆稱夫人惟隱之母聲子以不備禮稱君氏哀  
之母定姒傳不言爲嫡爲娣杜預謂是定公夫人  
案傳於定十五年姒氏卒曰不稱夫人不赴且不  
祔也於葬定姒曰不稱小君不成喪也若姒氏是  
嫡何得不祔據此則姒氏亦妾母明矣此左氏之  
義也公羊則成風外仲子子氏頃熊定姒皆妾母  
案仲子傳曰桓公之母子氏傳以爲隱公母頃熊  
傳曰宣公之母何休曰熊氏楚女宣公卽僖公妾  
子何氏據春秋說僖公以齊媵爲妻楚女爲妾而  
言定姒傳曰哀公之母何休曰姒氏杞女哀公卽  
定公之妾子此傳於天王使宰咺來歸惠公仲子  
據傳文知之 傳於天王使宰咺來歸惠公仲子  
之賵曰何以不稱夫人桓未君也於姒氏卒曰何

以不稱夫人哀未君也於葬定妣曰定妣何以書  
葬未踰年之君也有子則廟廟則書葬若齊歸傳  
但曰昭公之母而何休以為襄公嫡夫人此公羊  
之義也穀梁則成風外仲子傳曰惠公之母孝公之妾頃熊定  
姒定弋皆妾母也弋氏卒傳曰妾辭也哀公之母也而夫人子氏為  
隱公之妻齊歸亦不言為嫡為娣案經例一公之  
世必書其夫人襄不宜獨闕則傳當以齊歸為襄  
嫡夫人也定公世亦無娶夫人之文何以知定弋  
為妾即以弗夫人知之也定之嫡夫人不見于經  
案獲麟之前尚存此穀梁之義也案儀禮喪服總

麻章曰庶子爲後爲其母禮記服問曰君之母非夫人則羣臣無服唯近臣及僕騶乘從服唯君所服服也鄭注云妾先君所不服也禮庶子爲後爲其母總言唯君所服伸君也春秋之義有以小君服之者時若小君在則益不可是鄭以春秋之事非正也禮記雜記上曰妾耐于妾祖姑無妾祖姑則亦耐其昭穆之妾庾蔚之曰妾祖姑無廟爲壇祭之崔靈恩曰於廟中爲壇祭之喪服小記曰慈母與妾母不世祭也穀梁傳禮庶子爲君爲其母築宮使公子主其祭也於子祭於孫止穀梁說皆

與禮合鄭駁異義以成風敬嬴得尊爲夫人者緣  
哀姜有罪姜氏大歸故是兼取左氏而謂貴妾不  
得復立爲夫人妾母不得有三年喪大旨從穀梁  
但其言吕后廢不得配食文帝更尊其母薄后猶  
未覈攷漢書郊祀志元始五年王莽奏復南北郊  
以孟春正月上辛若丁天子親合祀天墜以高帝  
高后配以日冬至使有司奉祠南郊高帝配日夏  
至使有司奉祭北郊高后配後漢書光武紀建武  
中元元年使司空告祠高廟曰吕太后賊害三趙  
專王吕氏賴社稷之靈祿產伏誅天命幾墜危朝



更安呂太后不宜配食高廟同祧至尊薄太后母  
德慈仁孝文皇帝賢明臨國子孫賴福延祚至今  
其上薄太后尊號曰高皇后配食地祇遷呂太后  
廟主於園四時上祭亦見續漢書祭祀志然則王  
莽以前配食高帝者猶呂后耳光武始廢之非自  
文帝也衛宏漢舊儀曰宗廟大祫設左右坐高祖  
南面高后右坐見續漢書祭祀志補注此爲呂太后也應劭漢  
官儀曰北郊壇地祇位南面西上高皇后配西面  
皆在壇上此爲薄太后也

五經異義云諸侯有妾母喪得出朝會不春秋公羊說

妾子爲諸侯不敢以妾母之喪廢事天子大國出朝會  
禮也魯宣公如齊有妾母之喪經書善之左氏說云妾  
子爲君當尊其母有三年之喪而出朝會非禮也故譏  
魯宣公謹案禮妾母無服貴妾子不立而他妾子立者  
也不敢以卑廢事尊者禮也卽妾子爲君義如左氏

鄭平駿云喪服總麻庶子爲後爲其母此義自天子下  
至庶人同不得三年魯宣舊誤公所以得尊其妾母敬

嬴爲夫人者以夫人姜氏大歸齊不返故也因是言妾  
子立母卒得爲之三年於禮爲通乎其服之間出朝會

無王事與鄭伯伐許何異通典七

蒙案通典引鄭志趙商問云按許氏異義駁以爲  
妾子爲母依喪服庶子爲後爲其母緦麻三月按  
禘祫志春秋魯昭公十一年夏夫人歸氏薨十三  
年五月大祥七月而禫是得爲妾母三年經無譏  
文得合下禘祫之數若不三年則禘祫事錯答云  
春秋經所譏所善皆於禮難明者也其事著明但  
如事書之當按禮以正之今以不譏爲是亦寧有  
善之文與此鄭依左氏以齊歸爲妾而仍不以三  
年之服爲禮也若依公羊則齊歸本嫡夫人得合  
禘祫之數無虧於禮

異義公羊說天王喪赴者至諸侯哭雖有父母之喪越  
紼而行事葬畢乃還左氏說王喪赴者至諸侯既哭問  
故遂服斬衰使上卿弔上卿會葬經書叔孫得臣如京  
師葬襄王以爲得禮許慎謹案易下邳傳甘容說蒙案  
邳傳者甘容所著易傳名如漢藝文志易有淮南道訓  
詩有魯說齊雜記韓故韓內傳論語有齊傳說之類皆  
繫地名之或曰傳甘疑侍其之譌廣韻七之引王僧儒  
百家譜有高密侍其義叔又史記正義引七錄云古經  
出魯淹中後博士侍其生諸侯在千里內皆奔喪千里  
得十七篇今之儀禮是也外不奔喪若同姓千里外猶奔喪親親也容說爲近禮  
通典引許慎異詁云左氏之說諸侯藩衛之臣不得奔  
其封守諸侯千里之內奔喪千里之外不奔四方不可  
空虛故遣大夫也

鄭駁之云天子於諸侯無服諸侯為天子斬衰三年尊

卑有差案魯夫人成風薨案通典引作春秋文四年夫人成風薨王使榮

叔歸含且贈毛伯來會葬傳曰禮也襄王崩叔孫得臣

如周葬襄王案通典有則傳無言焉五字天子於魯既含且贈又會

葬為得禮則是魯於天子一大夫會案通典作一大夫會葬而已為

不得禮可知又左傳云鄭游吉云靈王之喪我先君簡

公在楚我先君印段實往敝邑之少卿也王吏不討

恤所無也通典為不得禮可知下作昭三十年晉侯去疾卒秋葬晉頃公傳曰鄭游吉弔且送葬魏

獻子使士景伯詰之其對詞有靈王之喪云云恤所無也下有晉人不能詰五字豈非左氏諸

侯奔天子之喪及會葬之明文說左氏者云諸侯不得

棄其所守奔喪自違其傳同姓雖千里外奔喪又與禮  
非禮記十二王制正義云鄭之所駁從公羊之義又通  
典八十四禮二引鄭駁至會葬之明文止餘互有詳  
畧

**蒙案**穀梁傳曰周人有喪魯人亦有喪周人弔魯  
人不弔周人曰固吾臣也使人可也魯人曰吾君  
也親之者也使大夫則不可故周人弔魯人不弔  
通典八十禮四十引五經通議曰凡奔喪者近者  
先聞先還遠者後聞後還諸侯未葬嗣子聞天子  
崩不奔喪王者制禮緣人心而爲之節文孝子之  
思不忍去棺柩故不使奔也東晉殷融議云周魯

有喪而魯人不弔孔子所答曾子當謂國中卿大夫耳白虎通曰王者崩諸侯悉奔喪何臣子悲哀慟怛莫不欲觀君父之柩盡悲哀者也又爲天子守蕃不可頓空也故分爲三部有始死先奔者有得中來盡其哀者有得會喪奉送君者七月之閒諸侯有在京師親供臣子之事者有號泣悲哀奔走道路者有居其國哭痛思慕竭盡所供以助喪事者是四海之內咸悲臣下若喪考妣之義也塋有會者親疎遠近盡至親親之義也童子諸侯不朝而來奔喪者何明臣子於其君父非有老少

也又曰諸侯有親喪聞天子崩奔喪者何屈已親親猶尊尊之義也春秋傳曰天子記崩不記葬者必其時葬也諸侯記葬不必有時諸侯爲有天子喪尙奔不得必以時葬也

案公羊隱三年傳

白虎通據公

羊說言諸侯奔大喪之禮莫詳於此何休解詁于隱公三年傳諸侯記卒記葬不得必其時注亦云設有王后崩當越紼而奔喪不得必其時又尹氏卒傳曰天王崩諸侯之主也何休曰時平王崩魯隱往奔尹氏主饋贊諸侯與隱交接而卒穀梁傳亦曰於天子之崩爲魯主文九年二月叔孫得臣



如京師辛丑葬襄王公羊傳王者不書葬此何以書不及時書過時書我有往者則書何休曰謂使大夫往也惡文公不自往故書葬以起大夫會之此皆公羊義也左氏隱三年傳天子七月而葬同軌畢至諸侯五月同盟至此傳言諸侯奔大喪之明文也昭三十年傳游吉曰靈王之喪我先君簡公在楚我先大夫印段實往正義引鄭氏以爲簡公若在君當自行是則左氏與公羊義同故駁異義譏說左氏者云諸侯不奔喪爲自違其傳攷古文尙書顧命成王之喪太保率西方諸侯入應門

左畢公率東方諸侯入應門右禮記檀弓曰惟天子之喪有別姓而哭鄭注使諸侯同姓異姓庶姓相從而爲位別於朝覲來時則經有諸侯奔喪之明文春秋諸侯失禮之事豈可以訓而杜預注左氏乃謂同軌畢至以下言赴弔各以遠近爲差因爲塋節其釋例又曰萬國之數至衆封疆之守至重故天王之喪諸侯不得越境而奔修服於其國卿共弔塋之禮既塋卒哭而除凶魯侯無故而穆伯如周弔此天子崩諸侯遣卿弔塋之經傳也預此言與所議既塋除喪之說皆異經莧禮之尤者

矣

五經異義大鴻臚眭生說

蒙案漢公羊春秋大師眭孟本傳及儒林傳皆云爲符節

令此云大鴻臚未詳攷異義公羊說諸侯奔大喪越綿而行而此引眭生說諸侯踰年卽位乃奔大喪與公羊異則非眭孟也後漢有注丹世傳孟氏易建武十一年爲大鴻臚豈眭乃注之誤與諸侯踰年卽位乃奔天子喪春秋之義未踰年君死不成以人君禮言王者未加其禮故諸侯亦不得供其禮於王者相報也謹案禮不得以私廢公卑廢尊如禮得奔喪今以私喪廢奔天子之喪非也又人臣之義不得校計天子未加禮於我亦執之不加禮也眭生之說非也

鄭玄按孝經資於事父以事君言能爲人子乃能爲人

臣也服問嗣子不爲天子服此則嫌欲速不一於父也  
喪服四制曰門內之治恩掩義門外之治義斷恩此言  
在父則爲父在君則爲君也春秋莊三十二年子般卒  
時父未葬也子者繫於父之稱也言卒不言薨舊誤未  
成君也未成君猶繫於父則當從門內之治恩掩義禮  
者在於所處此何以私廢公何以卑廢尊通典八十凶禮二又禮二  
○穀梁隱十一年疏節引

諸侯自相奔喪禮公羊說遣大夫弔君會其葬左氏說

諸侯之喪士弔大夫會葬文襄之霸令大夫弔卿共葬

事

案見昭三

許慎謹案周禮無諸侯會葬義知不相會

葬從左氏義

禮記十二王制正義引云鄭氏無駁與許同

孔廣林曰王制注引左氏傳諸侯五月同盟至所謂同盟至者不必親會葬也鄭君但以證禮傳葬期之合耳或誤解爲親會葬謂鄭不從許說不宜無駁舛矣獨不思同盟至固左氏傳說耶

蒙案公羊文六年公子遂如晉葬晉襄公何休曰刺公葬不自行非禮也禮諸侯薨使大夫弔自會葬定十五年邾婁子來奔喪傳奔喪非禮也何休曰禮天子崩諸侯奔喪會葬諸侯薨有服者奔喪無服者會葬邾婁與魯無服故以非禮書此公羊

說諸侯會葬之義

諸侯夫人喪公羊說卿弔君自會葬左氏說諸侯夫人

喪士弔士會葬文襄之霸士弔大夫會葬

案昭三  
年傳

叔弓

如宋葬宋共姬

案襄三  
十年傳

上卿行過厚非禮也許慎謹案

公羊說同盟諸侯薨君會葬其夫人薨君又會葬是其

不違國政而常在路公羊左氏說俱不別同姓異姓公

羊言當會許以爲同姓也左氏云不當會據異姓也

案正

義自公羊左氏說俱不別同  
姓異姓以下皆舉括異義文

鄭駁之云按禮君與夫人尊同故聘禮卿聘君因聘夫

人凶時會弔主於相哀愍畧於相尊敬故使可降一等

士弔大夫會葬禮之正也周禮諸侯之邦交歲相問也  
殷相聘也世相朝也無異姓同姓親疎之數云夫人喪  
士會葬說者致之非傳辭也

禮記十二  
王制正義

異義公羊說云襄三十年叔弓如宋葬宋共姬譏公不

自行也

公羊文六年疏○案此當在前  
條公羊說卿弔君自會葬之下

異義今春秋公羊說諸侯曰薨

案見隱  
三年傳

赴於鄰國亦當

稱薨經書諸侯言卒者春秋之文王魯故稱卒以下魯  
古春秋左氏說諸侯薨赴於鄰國稱名則書名稱卒卒  
者終也取其終身又以尊不出其國許君謹案士虞禮  
云尸服卒者之上服不分別尊卑皆同言卒卒者終也

是終沒之辭也

鄭駁之云案雜記上云君薨赴於他國之君曰寡君不祿曲禮下曰壽考曰卒短折曰不祿今君薨而云不祿者言臣子於君父雖有考終眉壽猶若其短折然若君薨而赴者曰卒卒是壽終矣斯無哀惜之心非臣子之辭隣國來赴書以卒者言無所老幼皆終成人之志所以相尊敬

禮記四十雜記上正義○又穀梁隱三年集解引鄭君曰至末皆駁異義文寡君不祿下

有敢告於執事五字今君薨作君薨赴猶若短折下有痛傷之至也五字

**蒙案**公羊傳隱三年諸侯曰薨大夫曰卒士曰不祿何休曰皆所以別尊卑也葬不別者從恩殺畧



也春秋經隱公三年八月庚辰宋公和卒何休曰不言薨者春秋王魯死當有王文聖人之爲文辭孫順不可言崩故貶外言卒所以褒內也此與異義公羊說合禮記曲禮下文與公羊同通典八十三凶禮引漢石渠議聞人通漢問云記曰君赴於他國之君曰不祿夫人曰寡小君不祿大夫士或言卒死皆不能明戴聖對曰君死未葬曰不祿旣葬曰薨又問尸服卒者之上服

案士虞禮文

士曰不祿

言卒何也聖又曰夫尸者所以象神也其言卒而不言不祿者通貴賤尸之義也聞人通漢對曰尸

象神也故服其服士曰不祿者諱辭也孝子諱死  
曰卒五經通義曰春秋說題詞曰大夫曰卒精耀  
終也卒之爲言終於國也士曰不祿不祿爲身消  
名章也曲禮又曰壽考曰卒短折曰不祿鄭注謂  
有德行任爲大夫士而不爲者老而死從大夫之  
稱少而死從士之稱雜記曰君訃於他國之君曰  
寡君不祿敢告於執事夫人曰寡小君不祿鄭注  
君夫人不稱薨告他國謙也此鄭說君稱不祿謙  
退同士之意也鄭注曲禮諸侯死曰薨云史書策  
辭是鄭據禮爲斷不從公羊說赴於鄰國稱薨亦

不從左氏說赴於鄰國稱卒也若杜預解左氏云  
史在國承赴爲君故惡其薨名改赴書范甯解穀  
梁云魯史之義內稱公而書薨所以自尊其君則  
不得不畧外諸侯書卒以自異也並隱三年范解本於  
杜之釋例此皆謂赴辭稱薨然杜則與古左氏說  
乖范雖引鄭駁之文其解傳非鄭義也

異義公羊說臣子先死君父猶名之孔子云鯉也死是  
已死而稱名左氏說旣沒稱字而不名桓二年宋督弑  
其君與夷及其大夫孔父先君死故稱其字穀梁同左  
氏說謹案同左氏穀梁說以爲論語稱鯉也死時實未

死假言死耳

鄭康成亦同左氏穀梁之義以論語云鯉也死有棺而無槨是實死未葬以前也故鄭駁許慎云設言死凡人於恩猶不然況賢聖乎

禮記四曲禮下正義○案此段正義約駁異義文

異義公羊說雨不克葬

案宣八年定十五年

謂天子諸侯也卿大

夫臣賤不能以雨止穀梁說葬既有日不為雨止左氏

說卜葬先遠日辟不懷言不汲汲葬其親不可行事廢

禮不行庶人不為雨止許慎謹案論語云死葬之以禮

以雨而葬是不行禮穀梁說非也從公羊左氏之說

禮記

十二王制正義云鄭氏無駁與許同○案此春秋宣八年及定十五年事

蒙案春秋宣八年冬十月己丑葬我小君頃熊案公

羊穀梁作頃熊左氏作敬嬴雨不克葬庚寅日中而克葬定公

十五年丁巳葬我君定公雨不克葬戊午日下昃

乃克葬左氏傳曰雨不克葬禮也禮卜葬先遠日

辟不懷也穀梁傳曰葬既有日不爲雨止禮也雨

不克葬喪不以制也公羊傳而者何難乃者何難

也何休曰禮卜葬從遠日雨不克葬見難者臣子

重難不得以正日葬其君徐邈曰喪事有進無退

又士喪禮有濟車載蓑笠則人君之張設固兼備

矣禮先遷柩於廟其明昧爽而引既及葬日之晨

則祖行遣奠之禮設矣故雖雨猶終事不敢停柩  
久次此三傳異同之說禮記三曲禮上曰喪事先  
達日禮記十二王制曰庶人縣封塋不爲雨止與  
公羊左氏說合鄭注王制云雖雨猶塋以其禮儀  
少此鄭從左氏說禮不行庶人之義也而鄭釋廢  
疾又云雖庶人塋爲雨止見王制正義與公羊左氏說  
異王制正義解之曰在廟未發之時庶人及卿大  
夫亦得爲雨止若其已發在路及塋則不爲雨止  
其人君在廟及在路及塋皆爲雨止是也

異義公羊說國滅君死正也

案見襄六年傳

故禮云君死社稷

無去國之義左氏說昔太王居豳狄人攻之乃踰梁山  
邑於岐山故知有去國之義也許慎謹案易曰係遯有  
疾厲畜臣妾吉知諸侯無去國之義也禮記四曲禮下正義云鄭不駁  
之明從許君  
用公羊義也

**蒙案**許氏說文稱易孟氏異義引遯九三係遯畜  
臣妾吉為諸侯守社稷之義當是孟氏說鄭君注  
曲禮引春秋傳國滅君死之正也用公羊說

異義公羊說復百世之讎

禮記三曲禮上正義○蒙案公羊說見莊公四年傳古

周禮說復讎之義不過五世謹案魯桓公為齊襄公所  
殺其子莊公與齊桓公會春秋不譏又定公是魯桓公

九世孫孔子相定公與齊會于夾谷是不復百世之讎

也從周禮說

禮記三曲禮上正義云鄭康成不駁之與許慎同

異義凡君非理殺臣公羊說子可復讎故子胥伐楚春秋賢之左氏說君命天也是不可復讎

鄭駁異義稱子思云今之君子退人若將隊諸淵無爲

戎首不亦善乎子胥父兄之誅隊淵不足喻伐楚使吳

首兵合於子思之言也

禮記三曲禮上正義引云是鄭善子胥同公羊之義也

異義古周禮說復讎可盡五世之內五世之外施之於

已則無義施之於彼則無罪所復者惟謂殺者之身及

在被殺者子孫可盡五世得復之

周禮調人疏引云鄭從之



**蒙案**公羊定公四年傳曰事君猶事父也此其爲  
可以復讎奈何曰父不受誅子復讎可也父受誅  
子復讎推刃之道也復讎不除害朋友相衛而不  
相迫古之道也公羊言復讎者有四事莊四年紀  
侯大去其國不言齊滅賢襄公一也公及齊人狩  
于郛不及齊侯諱之二也莊九年及齊師戰于乾  
時我師敗績不言公以復讎者在下三也定五年  
吳爲子胥伐楚戰于伯莒四也然子胥之事雖父  
不受誅以臣讎君不可以訓何休解詁云孝經曰  
資於事父以事君而敬同本取事父之敬以事君

而父以無罪爲君所殺諸侯之君與王者異於義  
得去君臣已絕故可也此亦曲說不如左氏之義

爲正

異義衛輒拒父公羊以爲孝子不以父命辭王父之命  
許拒其父左氏以爲子而拒父悖德逆倫大惡也

鄭駁異義云以父子私恩言之則傷仁愛禮記十檀弓下正義○正

義云鄭意以公羊所云公義也左氏所云是私恩也案正義引鄭駁不全然據文意知許从左氏鄭從公羊

蒙案公羊說見哀公三年傳曰崩殯爲無道靈公

逐崩殯而立輒然則輒之義可以立乎曰可其可

奈何不以父命辭王父命以王父命辭父命是父

之行乎子也不以家事辭王事以王事辭家事是  
上之行乎下也何休解詁曰以父見廢故辭讓不  
立是家私事聽靈公命立是王事公法也是王法  
行乎諸侯雖得正非義之高者也下引論語冉有  
曰夫子爲衛君乎云云主書者善伯討邵公此注  
爲能補傳所未及

異義妻甲夫乙毆母甲見乙毆母而殺乙公羊說甲爲  
姑討夫猶武王爲天誅紂

鄭駁之云乙雖不孝但毆之耳殺之太甚凡在官者未  
得殺之殺之士官也

禮記十檀  
弓下正義

蒙案此於公羊事無徵說者傳之耳禮記檀弓下  
邾婁定公曰臣弑君凡在官者殺無赦子弑父凡  
在官者殺無赦鄭注言諸臣子孫無尊卑皆得殺  
之其罪無赦正義云父雖不孝於祖子不可不孝  
於父今云子者因孫而連言之或容兄弟之子耳  
又云若妻則得殺其弑父之夫故異義云云如鄭  
此言毆母妻不得殺之若其殺母妻得殺之

異義鄭君以爲左氏宣十八年秋七月邾人戕郕子  
郕傳曰凡自內虐其君曰弑自外曰戕卽邾人戕郕子  
是也自內弑其君曰弑者晉人弑其君州蒲是也雖他

國君不加虐亦曰殺若加虐殺之乃謂之戕取殘賊之

意也若自上殺下及兩下自相殺之等皆曰殺周禮大司馬疏

○案此引駁異義疏脫駁字

蒙案大司馬注引王霸記曰殘滅其爲惡公羊傳

云戕卽子于卽者何殘而殺之也穀梁傳云戕猶

殘也斃殺也是戕爲殘賊之意也鄭注尙書梓材

亦同見大司馬疏

鄭駁異義云三光考靈曜書云日道出於列宿之外萬

有餘里謂五星則差在其內周禮馮相氏疏

蒙案儀禮士昏禮目錄疏亦引三光考靈耀是其

書唐人見之考靈耀本尙書緯名余見日本國所傳隋蕭吉五行大義卷四論七政引尙書考靈耀七政曰日月者時之主也五星者時之紀也故曰在璇璣玉衡以齊七政據此考靈耀有七政篇題則三光亦其篇題之一與依文當作尙書考靈耀三光周禮疏倒之者或古書小題在上大題在下因而舉之如此耳

蒙案尙書堯典正義引考靈耀云周天三百六十五度四分度之一而日日行一度一晷三百六十五日四分日之一禮記月令正義引考靈耀云一

度二千九百三十二里千四百六十一分里之三

百四十八周天百七萬

爾雅釋天疏引七字作十

一千里

夢考靈耀

來當至此止以下正義申解語

者是天圓周之里數也以圍三徑

一言之則直徑三十五萬七千里此爲二十八宿

周回直徑之數也然二十八宿之外上下東西各

有萬五千里是爲四遊之極謂之四表據四表之

內并星宿內總有三十八萬七千里然則天之中

央上下正半之處則一十九萬三千五百里地在

其中是地去天之數也鄭注考靈耀云地蓋厚三

萬里春秋之時地正當中自此地漸漸而下夏至

之時地下遊萬五千里地之上畔與天中平夏至  
之後地漸漸向上至秋分地正當天之中央自此  
地漸漸而上至冬至上遊萬五千里地之下畔與  
天中平自冬至後地漸漸而下此是地之升降於  
三萬里之中

案鄭注當至此止  
以下正義申解

但渾天之體雖繞

於地地則中央正平天則北高南下北極高於地三  
十六度南極下於地三十六度然則北極之下三  
十六度常見不沒南極之上三十六度常沒不見  
南極去北極一百一十一度餘若逐曲計之則一  
百八十一度餘若以南北中半言之謂之赤道去



南極九十一度餘去北極亦九十一度餘此是春  
秋分之日道也赤道之北二十四度爲夏至之日  
道去北極六十七度也赤道之南二十四度爲冬  
至之日道去南極亦六十七度

案續漢律厯志劉昭注引張衡渾儀

曰赤道橫帶渾天之腹去極九十一度十分之五  
黃道斜帶其腹出赤道表裏各二十四度故夏至  
去極六十七度而強冬至去極百一十五度亦強  
也然則黃道斜截赤道者則春秋分之去極也今  
此春分去極九十一度秋分去極九十一度  
少者就夏厯景去極之法以爲率也 地有升降

星辰有四遊又鄭注考靈耀云天旁行四表之中  
冬南夏北春西秋東皆薄四表而止地亦升降於  
大之中冬至而下夏至而上二至上下蓋極地厚

也地與星辰俱有四遊升降四遊者自立春地與  
星辰西遊春分西遊之極地雖西極升降正中從  
此漸漸而東至春末復正自立夏之後北遊夏至  
北遊之極地則升降極下至夏至復正立秋之後  
東遊秋分東遊之極地則升降正中至秋季復正  
立冬之後南遊冬至南遊之極地則升降極上冬  
季復正

案鄭注當至此止以下正義申解大平御覽三十六引考靈耀云地有四遊冬至地

上行北而西三萬里夏至地下行南而東三萬里春秋二分是其中矣正義所引鄭注當釋此段之

文此是地及星辰四遊之義也星辰亦隨地升降

故鄭注考靈耀云夏日道上與四表平下去東井

十二度為三萬里案以下當為正義申解則是夏至之日上

極萬五千里星辰下極萬五千里故夏至之日下

至東井三萬里也日有九道故考靈耀云萬世爾雅

釋天疏引不失九道謀鄭注引河圖帝覽嬉云黃作萬里

道一青道二出黃道東赤道二出黃道南白道二

出黃道西黑道二出黃道北日春東從青道夏南

從赤道秋西從白道冬北從黑道漢書天文志本此立春

星辰西遊日則東遊春分星辰西遊之極日東遊

之極日與星辰相去三萬里夏則星辰北遊日則

南遊夏至星辰北遊之極日南遊之極日與星辰

相去三萬里以此推之秋冬放此可知

案鄭注當至此止以

下正義  
申解

計夏至之日日在井星正當嵩高之上以

其南遊之極故在嵩高之南萬五千里所以夏至有尺五寸之景也於時日又上極星辰下極故日下去東井三萬里也然鄭四遊之極元出周髀之文但日與星辰四遊相反春分日在婁則婁星極西日體在婁星之東去婁三萬里以度言之十二度也則日沒之時去昏中之星近校十度旦時日極於東去旦中之星遠校十度若秋分日在角則角星極東日體在角星之西去角三萬里則日沒

之時去昏中之星遠校十度旦時日極於西去旦中之星近校十度此皆厯乖違於數不合鄭無指解其事有疑正義又引漢書律厯志云冬至之時日在牽牛初度春分之時日在婁四度夏至之時日在東井三十一度秋分之時日在角十度若日在東井則極長八尺之表尺五寸之景冬至日在斗則晝極短八尺之表一丈三尺之景一丈三尺之中去其一尺五寸則餘有一丈一尺五寸之景是冬夏往來之景也凡於地千里而差一寸則夏至去冬至體漸南漸下相去一十萬五千里

案漢書天

文志云夏至至於東井北近極故暑短立八尺之表而暑景長尺五寸八分冬至至於牽牛遠極故暑長立八尺之表而暑景長丈二尺一寸四分春秋分日至婁角去極中而暑中立八尺之表而暑景長七尺二寸六分此日去極遠近之差暑景長短之制也

又考靈耀云正月假上八萬里假下一十萬四千里

案考靈耀文至此止

所以有

假上假下者鄭注考靈耀之意以天去地十五萬

三千五百里正月雨水之時日在上假於天八萬

里下至地一十一萬三千五百里夏至之時日上

極與天表平也後日漸向下

案以上皆正義約鄭注書緯義

故鄭

注考靈耀云夏至日與表平冬至之時日下至於

地八萬里上至於天十一萬三千五百里也委曲

俱具考靈耀注太平御覽三引考靈耀云日光照

四十萬六千里

案白虎通日月篇曰日月經皆千里也

隋書天文志

引考靈耀云日永景尺五寸日短景尺三寸周禮

馮相氏疏引鄭注考靈耀云日之行冬至之後漸

差向北夏至之後漸差向南日差大分六小分四

大分六者分一寸爲十分小分四者分一分爲十

分一寸千里則差六百四十里疏又引星備云明

王在上則日月五星皆乘黃道又云黃道占日天

道有三黃道者日月五星所乘問曰

案問以下當是賈疏申解

按鄭駁異義云三光考靈耀書云日道出於列宿

之外萬有餘里謂五星則差在其內何謂與日同  
乘黃道又問曰日何得在婁角牽牛東井平答曰  
黃道數寬廣雖差在內猶不離黃道或可以上下  
爲外內以上孔賈所引考靈耀及鄭注言天度日  
道頗晰月令正義尤詳具錄以備考

駁異義云非常曰異害物曰灾

毛詩正月正義  
引鄭駁異義

桓三年日食貫中下上竟黑疑者以爲日月正等月何  
得小而見日中鄭云月正掩日日光從四邊出故言從  
中起也

南齊書天文志案志不言出鄭駁異義以毛詩  
十月之交正義左傳桓三年正義所引定之

異義云月高則其食虧於上月下則其食虧於下也日



月之體大小正同相揜密者二體相近正映其形故光得溢出而中食也相揜疏者二體相遠月近而日遠自人望之則月之所映者廣故日光不能復見而日食既也

左傳桓三年正義

駁異義引詩云彼月而食則維其常此日而食于何不臧則非常爲義

毛詩十月之交正義

蒙案左氏春秋桓三年秋七月壬辰朔日有食之

既正義引張衡靈憲曰當日之衝月常不合是謂

闇虛在星則星微遇月則月食

案亦見續漢書天文志注

正義

申之曰日月異道有時而交交則相犯故日月遞

食交在望前朔則日食望則月食交在望後望則月食後月朔則日食交正在朔則日食既前後望不食交正在望則月食既前後朔不食大率一百七十三日有餘而道始一交非交則不相侵犯故朔望不常有食也道不正交則日斜照月故月光更盛道若正交則日衝當月故月光卽滅譬如火斜照水日斜照鏡則水鏡之光旁照他物若使鏡正當日水正當火則水鏡之光不能有照日之奪月亦猶是也日月同會道度相交月揜日光故日食日奪月光故月食言月食是日光所衝日食是

月體所映故日食常在朔月食常在望也食有上下者行有高下謂月在日南從南入食南下北高則食起於下月在日北從北入食則食發於高是其行有高下故食不同也故異義云月高則其食虧於上月下則其食虧於下也日月之體大小正同相揜密者二體相近正映其形故光得溢出而中食也相揜疏者二體相遠月近而日遠自人望之則月之所映者廣故日光不復能見而日食旣也蒙案正義推論日月交食皆本鄭駁異義其言二體相近正映其形故光得溢出而中食與南齊

書天文志引鄭說合故知齊志所傳是駁異義文也

地有九州足以承天

御覽州郡部敘州。蒙案白虎通嫁娶篇有此語異義當本此

**蒙案**御覽引尚書考靈耀曰天有九野九千九百九十九隅去地五億萬里何謂九野中央鈞天其星角亢東方皞天其星房心東北變天其星斗箕北方杳天其星須女西北幽天其星奎婁西方成天其星胃昂西南朱天其星參狼南方赤天其星與鬼柳東南陽天其星張翼軫異義謂地有九州足以承天者蓋以九州配九野也

五經異義曰天子之城高九仞公侯七仞伯五仞子男

三仞

初學記二十四

許慎五經異義戴禮及韓詩說八尺爲板五板爲堵五堵爲雉板廣二尺積高五板爲一丈五堵爲雉雉長四丈古周禮及左氏說一丈爲板板廣二尺五板爲堵一堵之牆長丈高丈三堵爲雉一雉之牆長三丈高一丈以度其長者用其長以度其高者用其高也

左傳隱元年正義○

又禮記坊記注高一丈爲雉正義云古春秋左氏說又見檀弓上正義

蒙案公羊定公十二年傳雉者何五板而堵五堵而雉百雉而城何休解詁八尺曰板堵凡四十尺

雉二百尺百雉二萬尺凡周十一里三十三步二尺公侯之制禮天子千雉蓋受百雉之城十伯七十雉子男五十雉疏云公侯方百雉春秋說文古者六尺爲步三百步爲里計一里有千八百尺十里卽有萬八千尺更以一里三十三步二尺爲二千尺通前爲二萬尺也故云二萬尺凡周十一里三十二步二尺也云禮天子千雉伯七十雉子男五十雉者春秋說文據此公羊說雉制與韓詩說合何氏據春秋緯以公侯百雉二萬尺則爲三千三百三十三步二尺伯七十雉萬四千尺則爲二

千三百三十三步二尺子男五十雉萬尺則爲一

千六百六十六步四尺與鄭駿異義言五百步爲

百雉不同

案禮記坊記鄭注雉度名也高一丈長三丈爲雉百雉爲長三百丈方五百步

子男之城方五里百雉者此謂大都三國之一

異義周禮說雉高一丈長三丈韓詩說八尺爲板五板

爲堵五堵爲雉

鄭辨之云左氏傳說鄭莊公弟段居京城祭仲曰都城

過百雉國之害也先王之制大都不過三國之一中五

之一小九之一今京不度非制也古之雉制書傳各不

得其詳今以左氏說鄭伯之城方五里

此句又見左傳隱元年正義

積千五百步也大都三國之一則五百步也五百步爲

百雉則知雉五步五步於度長三丈則雉長三丈也雉

之度量於是定可知矣

毛詩鴻雁正義

駁異義云天子城九里公城七里侯伯之城五里子男

之城三里

禮記五十一坊記正義

鄭異義駁或云周亦九里城則公七里侯伯五里子男

三里

周禮匠人疏

異義古周禮說云天子城高七雉隅高九雉公之城高

五雉隅高七雉侯伯之城高三雉隅高五雉都城之高

皆如子男之城高

周禮匠人疏○疏云子男城亦與伯等是以周禮說不云子男及都城之



高直云都城之高  
皆如子男之城高

**蒙案**左傳隱元年正義曰賈逵馬融鄭平王肅之  
徒爲古學者皆云雉長三丈考工記匠人營國方  
九里旁三門謂天子之城方九里則知公七里侯  
伯五里子男三里如周禮典命之言則公當九里  
侯伯七里子男五里故鄭平兩解之其注尙書大  
傳以天子九里爲正說又云或者天子之城方十  
二里詩文王有聲箋言文王城方十里大於諸侯  
小於天子之制論語注以爲公大都之城方三里  
皆以爲天子十二里公九里也其駁異義又云鄭

伯城方五里以匠人與命不同故兩申其說周禮  
典命注公之城蓋方九里官方九百步侯伯之城  
蓋方七里官方七百步子男之城蓋方五里官方  
五百步疏曰書無逸傳云古者百里之國九里之  
城今或疑焉周禮匠人營國方九里謂天子之城  
今大國與之同非也然大國七里次國五里小國  
三里之城爲近可也或者天子實十二里之城諸  
侯大國九里次國七里小國五里如是鄭自兩解  
不定隱公元年祭仲云都城不過百雉大都三之  
一是公七里侯伯五里子男三里矣此賈服杜君

等義與鄭一解也鄭又云鄭伯之城方七里大都  
三之一方七百步實過百雉矣而云都城不過百  
雉舉子男小國之大都以駁京城之大其實鄭之  
大都過百雉矣又據天子城十二里而言也今案  
鄭駁異義以鄭伯城方五里積千五百步大都三  
國之一則五百步是與典命疏所引鄭說鄭伯城  
方七里大都方七百步者不同而論語注言公大  
都之城方三里與後說合典命疏所引當是論語  
注文也

異義今文尙書

案漢人但稱今尙書裴松之注三國吳志始稱今文尙書此引異義誤衍文字

歐陽說肝木也心火也脾土也肺金也腎水也古尙書  
說脾木也肺火也心土也肝金也腎水也許慎案月令  
春祭脾夏祭肺季夏祭心秋祭肝冬祭腎與古尙書同  
鄭駁之云月令祭四時之位及其五藏之上下次之耳  
冬位在後而腎在下夏位在前而肺在上春位小前故  
祭先脾秋位小卻故祭先肝腎也脾也俱在鬲下肺也  
心也肝也俱在鬲上祭者必三故有先後焉不得同五  
行之氣今醫病之法以肝爲木心爲火脾爲土肺爲金  
腎爲水則有謬也若反其術不死爲劇

禮記十三  
月令正義

蒙案日本國所傳蕭吉五行大義引五經異義與

此畧同惟無今醫病之法以下三十三字首句作  
尙書夏侯歐陽說云引月令上有禮記二字令下  
有云字冬祭腎下云皆五時自相得則古尙書是  
也鄭氏駁曰此文異事乖未察其本意月令五祭  
皆言先無言後者凡言先有後之詞春祀戶其祭  
也先脾後腎夏祀竈其祭也先肺後心肝季夏祀  
中霱其祭也先心後肺秋祀門其祭也先腎後脾  
凡此之義以四時之位五藏之上下次之耳以下  
冬位在後訖故有先後焉又與此同唯云肝腎脾  
俱在鬲下肺心俱在鬲上與此異不得同五行之

氣作此義不與五行氣同也視禮記正義所引較詳然秋祀門下亦脫冬祀行一段正義引鄭駁下有脫字當云月令五祭以四時之位及其五藏之上下次之耳

許慎曰衆星者庶民之象也與列宿俱亡中國微滅也鄭元曰恆星謂列舍持天子之正也不見者諸侯乘天子案穀梁注引鄭君說作諸侯乘天子禮義法度又夜明象諸侯既然將強大也開元占經恆星不見二

異義公羊說哀十四年獲麟此受命之瑞周亡失天下之異左氏說麟是中央軒轅大角獸孔子備案備當爲作字之誤

春秋者禮修以致其子故麟來爲孔子瑞陳欽說麟西  
方毛蟲孔子作春秋有立言西方兌兌爲口故麟來許  
慎謹案云議郎尹更始待詔劉更生等議以爲吉凶不  
竝瑞災不兼今麟爲周亡天下之異則不得爲瑞以應  
孔子至

末句春秋正義引異

予之聞也洪範五事二曰言言曰從從作乂乂治也言  
於五行屬金孔子時周道衰亡已有聖德無所施用作  
春秋以見志其言少

毛詩正義少作可當從之從以爲天下法故

毛詩

正義故下有天字當增

應以金獸性仁之瑞賤者獲之則知將有

庶人受命而得之受命之徵已見則於周將亡事勢然

也興者爲瑞亡者爲災其道則然何吉凶不並瑞災不

兼之有乎如此修母致子不若立言之說密也禮記二十禮

運正義又毛詩麟趾正義

說左氏者云麟生於火而遊於土中央軒轅大角之獸

孔子作春秋春秋者禮也修火德以致其子故麟來而

爲孔子瑞也奉德侯陳欽說蒙案後漢書陳元傳父欽習左氏春秋事繁陽賈護

與劉歆同時而別自名家王莽從欽受左氏麟西方毛

蟲金精也孔子作春秋有立言西方兌爲口故麟來許

慎稱劉向尹更始等皆以爲吉凶不並瑞災不兼今麟

爲周異不得復爲漢瑞知麟應孔子而至鄭卒以爲修



母致子不如立言之說密也

春秋左傳哀十四年正義

蒙案此條春秋正義所引卽異義文而較禮記正義互有詳畧左傳正義又以賈逵服虔穎容等皆以爲孔子自衛反魯考正禮樂修春秋約以周禮三年文成致麟麟感而至取龍爲水物故以爲修母致子之應

異義公羊說麟木精左氏說麟中央軒轅大角之獸陳欽說麟是西方毛蟲許慎謹案禮運云麟鳳龜龍謂之四靈龍東方也虎西方也鳳南方也龜北方也麟中央也

鄭駁云古者聖賢言事亦有效三者取象天地人四者  
取象四時五者取象五行今云麟鳳龜龍謂之四靈則  
當四時明矣虎不在四靈中空言西方虎者則麟中央  
得無近誣乎

禮運正義○正義云如鄭此言是  
麟非上精無修母致子之義也

公羊說麟者木精鄭云金九以木八為妻金性義木性  
仁得陽氣性似父得陰氣性似母麟毛蟲得木八之氣  
而性仁

同上正義不言鄭云以下為駁異義  
然鄭駁從公羊說此其釋義可知

五經異義公羊說孔子獲麟天命絕周天下叛去

開元  
占經

徵咎

春秋說云麟生於火遊於中央軒轅大角之獸

公羊哀  
十四年

疏不言出

異義附此

異義公羊說云麟者木精一角赤目爲火候

同上

異義今詩韓魯說騶虞天子掌鳥獸官古毛詩說騶虞  
義獸白虎黑文食自死之肉不食生物人君有至信之  
德則應之周南終麟趾召南終騶虞俱稱嗟歎之是麟  
與騶虞皆獸名謹按古山海經鄒子書云騶虞獸說與

毛詩同

周禮鍾  
師疏

蒙案文選魏都賦張載注引魯詩傳曰古有梁騶  
梁騶天子獵之田也東都賦李善注引騶作鄒禮  
記射義騶虞樂官備也賈誼新書禮篇騶者天子

之囿也虞者囿之司獸者也儀禮鄉射禮注其詩  
有一發五紕五縱于嗟騶虞之言樂得賢者衆多  
嘆思至仁之人以充其官此皆與韓魯說合太平  
御覽六百四十一及八百九十引尙書大傳散宜  
生之於陵氏取怪獸尾倍其身名曰騶虞文選張  
平子東京賦圉林氏之騶虞李善注引劉芳詩義  
疏騶虞或作吾漢書東方朔傳謂之騶牙古音虞  
吾牙近通此皆與毛詩說合陸機義疏云騶虞白  
虎黑文尾長於軀不食生物不履生草應信而至  
者也此採尙書大傳及毛詩傳爲說毛詩正義引

鄭志張逸問傳曰白虎黑文又禮記曰樂官備何  
謂答曰白虎黑文周史王會云備者取其一發五  
紕言多賢也鄭注禮則用韓魯說答志則從毛說  
考今逸周書云其西般吾白虎下闕黑文二字又  
云央林以曾耳曾耳者身若虎豹尾長參其身食  
虎豹郭注海內經引此作虎林其說與尚書說近  
然非騶虞也

案增耳旁即騶虞之字

異義公羊說云魑鼠神物食牛角咎在有司又有咎在  
人君取已有災而不改更者義通於此

公羊成七年疏

孔廣林曰經云改卜且云又食則所改卜之牛非

已有災可知咎人君者咎其不敬以數召災耳公羊說非也

異義公羊以爲鸛鵒夷狄之鳥穴居今來至魯之中國巢居此權臣欲自下居上之象穀梁亦以爲夷狄之鳥來中國義與公羊同左氏以爲鸛鵒來巢書所無也許君謹案從二傳案賈疏引書所無也下有彼註云周禮曰鸛鵒不踰濟今踰宜穴而又巢故曰書所無也二十四字蓋引賈服左傳舊注非異義文也

鄭駁之云按春秋言來者甚多非皆從夷狄來也從魯疆外而至則言來鸛鵒本濟西穴處今乃踰濟而東又巢爲昭公將去魯國周禮考工記疏○又公羊昭九五疏引云異義公羊說云鸛鵒夷狄

之鳥不當來入中國鄭君駁之曰春秋之鳥不言來者多爲夷狄來也若鸛鵒乃飛從夷狄而來則昭將去遠外域之

**蒙案**陸氏左傳音義鸛其俱反嵇康音權本又作鵒公羊傳作鸛音權鵒音欲穀梁音義鸛本又作鸛音灌左氏作鸛公羊作鸛公羊音義鸛音權左氏作鸛考工記鸛鵒不踰濟鄭注鸛鵒鳥也春秋昭二十五年有鸛鵒來巢傳曰書所無也周禮音義作鸛云鸛徐劉音權公羊傳同本又作鸛左傳同今考公羊春秋有鸛鵒來巢傳曰何以書記異也何異爾非中國之禽也宜穴又巢也何休解詁

曰鸛鵒猶權欲宜穴又巢此權臣欲國自下居上之徵也何氏明言鸛鵒猶權欲則鸛讀如權故諸家公羊本竝從之公羊疏引春秋運斗樞云有鸛鵒來巢于榆緯書多用公羊說左氏考工記古本亦皆作鸛音權觀鄭注考工記引左氏春秋徐邈劉昌宗周禮音嵇康左傳音陸德明周禮音義並同可證其作鸛者非古本也而賈疏考工記云此經注皆作鸛字與左氏同賈所見周禮鄭注本不如諸家之善又不知左氏有作鸛之本疎矣其引異義公羊說譌鸛爲鸛則誤由近刻穀梁舊本亦



有作鸛者音義以爲音灌灌與權聲近然諸家皆  
音權則此灌亦當作權穀梁傳曰一有一亡口有  
來者來中國也鸛鵒穴者而曰巢或曰增之也范  
注引劉向曰去穴而巢此陰居陽位臣逐君之象  
也義同公羊

案劉向說見漢書  
五行志中之下

五經異義曰今易京氏說臣動養君其義理也必望利  
下弗養以道厥妖國有被髮于野祭者

御覽五百二十  
五禮儀部四

孔廣林曰必當作辟聲之譌耳辟君也

異義穀梁說云隕石于宋五象宋公德劣國小陰類也  
而欲行霸道是陰而欲陽行也其隕將拘執之象也是

宋公欲以諸侯行天子道也

鄭公云六鷁俱飛得諸侯之象也其退示其德行不進以致敗也得諸侯是陽行也被執敗是陰行也

穀梁傳  
僖十六

年  
疏

**蒙案**漢書五行志下之下釐公十六年正月戊申朔隕石于宋五是月六鷁退飛過宋都董仲舒劉向以爲象宋襄公欲行伯道將自敗之戒也石陰類五陽數自上而隕此陰而陽行欲高反下也石與金同類色以白爲主近白祥也鷁水鳥六陰數退飛欲進反退也其色青青祥也屬於貌之不恭

天戒若曰德薄國小勿持炆陽欲長諸侯與疆大爭必受其害襄公不寤明年齊威死伐齊喪執滕子圍曹爲孟之會與楚爭盟卒爲所執後得反國不悔過自責復會諸侯伐鄭與楚戰于泓軍敗身傷爲諸侯笑范甯穀梁集解引劉向曰石陰類也五陽數也象陰而陽行將致隊落鵠陽也六陰數也象陽而陰行必衰退也此與班志所引向說皆卽其五行傳論之文班志並言董仲舒劉向以爲云云是公羊穀梁說合也何休解詁曰石者陰德之專者也鵠者鳥中之耿介者皆有似宋襄公之

行襄欲行霸事不納公子曰夷之謀事事耿介自  
用卒以五年見執六年終敗如五石六鵠之數天  
之與人昭昭著明甚可畏也何氏說頗與仲舒異  
五行志下之下又引左氏傳曰隕石星也鵠退飛風  
也宋襄公以問周內史叔興曰是何祥也吉凶何  
在對曰今茲魯多大喪明年齊有亂君將得諸侯  
而不終退而告人曰是陰陽之事非吉凶之所生  
也吉凶繇人吾不敢逆君故也是歲魯公子季友  
鄆季姬公孫茲皆卒明年齊威死適庶亂宋襄公  
伐齊行伯卒爲楚所敗劉歆以爲是歲歲在壽星

其衝降婁降婁魯分壘也故爲魯多大喪正月日  
在星紀厭在子枵子枵齊分壘也石山物齊大嶽  
後五石象齊威卒而五公子作亂故爲明年齊有  
亂庶民惟星隕于宋象宋襄將得諸侯之衆而治  
五公子之亂星隕而鵠退飛故爲得諸侯而不終  
六鵠象後六年伯業始退執于孟也民反德爲亂  
亂則妖災生言吉凶由人然後陰陽衝厭受其咎  
齊魯之災非君所致故曰吾不敢逆君故也穀梁  
疏引賈逵云石山岳之物齊大岳之肩而五石隕  
宋象齊桓卒而五公子作亂宋將得諸侯而治五

公子之亂鷁退不成之象後六年霸業退也鷁水  
鳥陽中之陰象君臣之訟鬪也賈氏說本劉歆鄭  
君駿異義從公羊穀梁家董仲舒劉向舊說而不  
從何休說其言得諸侯之象亦兼採左氏說五行  
志下之上思心傳又引釐公十六年正月六鷁退  
蜚過宋都左氏傳曰風也劉歆以爲風發於它所  
至宋而高鷁高蜚而逢之則退經以見者爲文故  
記退蜚傳以實應著言風常風之罰也象宋襄公  
區谿白用不容臣下逆司馬子魚之諫而與疆楚  
爭盟後六年爲楚所執應六鷁之數云此又一說

也志下之下引京房易傳曰距諫自彊茲謂卻行  
厥異鵠退飛適當黜則鵠退飛據此則知劉歆思  
心傳言常風之罰及何休言逆諫之戒蓋皆本京  
氏易傳

五行志鵠皆作鵠  
劉向傳上封事同

異義公羊說后夫人之家專權擅世秉持國政蠶食百  
姓則蟲飛反墜

開元占經百九二。案此說與  
公羊文三年雨蝻于宋注同

蒙案漢書五行志中之上傳曰言之不從是謂不  
艾時則有介蟲之孽介蟲孽者謂小蟲有甲飛揚  
之類陽氣所生也於春秋爲蝻今謂之蝗皆其類  
也中之下聽傳桓公五年秋螽劉歆以爲貪虐取

民則螽介蟲之孽也與魚同占

志上引京房易傳曰海數見巨魚邪

人進賢人疎

劉向以爲介蟲之孽屬言不從是歲公獲

二國之聘取鼎易邑興役起城諸螽畧皆從董仲舒說云釐公十五年八月螽劉向以爲先是釐有鹹之會後城緣陵是歲復以兵車爲牡仁會使公孫敖帥師及諸侯大夫救徐丘三年在外文公三年秋雨螽于宋劉向以爲先是宋殺大夫而無罪有暴虐賦斂之應穀梁傳曰上下皆合言甚董仲舒以爲宋三世內取大夫專恣殺生不中故螽先死而至劉歆以爲螽爲穀災卒遇賊陰墜而死也八



年十月螽時公伐邾取須朐城郛宣公六年八月  
螽劉向以爲先時宣伐莒向後比再如齊謀伐萊  
十三年秋螽公孫歸父會齊伐莒十五年秋螽宣  
亡熟歲數有軍旅襄公七年八月螽劉向以爲先  
是襄興師救陳滕子邾子小邾子皆來朝夏城費  
哀公十二年螽是時哀用田賦劉向以爲春用田  
賦冬而螽十三年九月螽十二月螽比三螽虐取  
於民之效也劉歆以爲周十二月夏十月也火星  
旣伏蟄蟲皆畢天之見變因物類之且不得以螽  
是歲再失閏矣周九月夏七月故傳曰火猶西流

司厯過也詩祺謂班固言劉向說諸蠡畧皆從董仲舒說是公羊穀梁義同故何休解詁於春秋諸蠡皆以爲煩擾之應與劉向合文八年蠡劉以爲公伐邾取須朐城部何以爲先是公如晉公子遂公孫敖比出不可使勢奪於大夫所徵雖殊然大意一也惟文三年雨螽于宋以外異書董劉說不同何氏云蠡猶衆也衆死而墜者羣臣將爭彊相殘賊之象是後大臣比爭鬪相殺司城驚逃子哀奔亡國家廓然無人朝廷久空蓋由三世內娶貴近如族禍自上下故異之云爾此說本之仲舒開

元占經引異義公羊說卽指文三年事五行志雨  
蝻于宋下稱穀梁傳曰上下皆合言甚今傳無此  
文傳曰外災不志此何以志也曰災甚也其甚奈  
何茅茨盡矣著於上見於下謂之雨班志蓋約傳  
文言之穀梁疏曰公羊與考異郵皆云蝻死而墜  
于地故何休云蝻猶衆也死而墜者象宋羣臣相  
殘害也云云上下異之云爾今穀梁直云茅茨盡  
矣著於上見於下謂之雨與讖錯是爲短案故何休云以下至此是楊疏引穀梁廢疾文云云上下四字有誤當從公羊解詁作禍自上下鄭卒云  
穀梁意亦以宋德薄後將有禍故蟲飛在上墜地

而死言其茨盡者著甚之驗於讖何錯之有乎

案鄭

平云至此是楊疏引鄭釋廢疾如此是鄭意以穀

梁文三年傳與公羊義同不從劉向也又公羊哀

十二年冬十有二月螻何氏曰螻者與陰殺俱藏

周十二月夏之十月不當見故爲異比年再螻者

天不能殺地不能理自是之後天下大亂莫能相

禁宋國以亡

徐疏曰考諸舊本宋是宗字

齊并於陳氏晉分爲

六卿此注亦與前解諸傳言煩擾之應異徐疏引

春秋說云陳氏篡齊二年千人合葬故螽蟲冬踊

者是其螽爲齊亡之一隅也然則何氏蓋取春秋

說而廣之

與義疏證卷下終

仙遊弟子王捷南校